


扶
嘉
堂
詩
集
五



家
明

扶荔堂詩集



仁和丁澎葑園著

鄒谿姬之簋象方

河陽李應期子燮



七言律

京稿

駕幸西苑大蒐侍宴應制

六龍飛轡整戎行。寶輪雕弧勅上方。翠幙曉開平苑外。
珠旂春繞屬車傍。昆明七校圍黃鵠。漆澤千羣獻白狼。
竊幸微臣近陪乘。含毫欲擬賦長楊。

成青壇日有意摩景龍初
調可匹李嶠山亭侍宴作

五日龍舟侍宴應制

紫宸旭日散朝暉。共醉恩光湛露晞。太液波搖朱雁落。昆明雲擁石鯨飛。碧蒲影動流霞醖。綵縷香添近。賜衣莫羨魚龍陳。漫衍我皇原擬射蛟歸。

吳梅村日結語蒼婉得風詩諷頌之義

孟冬朔陪祀太廟禮成隨詣太和殿頒曆恭賦

絳闕曦光射袞龍。霜清長樂靜宸鐘。瑤壇蕙葉迎風細。碧殿芝房裊露濃。法駕鸞聲時縹緲。祠官鵠立倍從容。東風應協咸池奏。雲裏神宮望肅雍。

彭禹峰日陪祀頒曆融合渾雅

退朝寓直上劉相國

天迴雙闕抱長安。緩珮聲移曙色闌。聽鑰夜看銀漢轉。揮毫春到鳳池寒。九重白髮情逾渥。幾載蒼生疏未乾。聞道招賢東閣盛。漢廷何地少彈冠。

其二

相國門前獨鶴棲。陰陰槐影上沙堤。趨朝滿袖宮雲濕。著史垂帷檻日低。顧問不時親便殿。匡扶已早屬礪溪。艱難廟算思垂拱。薄海兵戈望解攜。

姜定菴日二作清麗霽映濯濯欲新
韓聖秋日起手秀別

郊壇望月

煙光秋轉石壇東。曙色霏微散碧空。不斷銀河通漢時。
何年金馬下齋宮。松楸翠映千門雪。鳩鵲寒輕五夜風。
遙隔瓊樓聆鳳吹。儼疑鑿馭出雲中。

陪祀郊壇贈李鄴園施尚白二員外

太乙瑤壇接露臺。龍旂遙拂翠華來。仙韶細度雲門奏。
玉殿初明泰時開。千丈爐烟天外轉。九重環珮月中迴。
祠官解有登封意。獨向甘泉捧賦才。

張譙明口筆高
氣爽雅稱此題

東省歸沐蒙

御賜春酒同履黃門秦庶常恭賦

宜春曉禁直。鵷班會散鳴珂退。食閒賜出蒲桃從少。
府傳來銀甕。到人間。東方據地容臣醉。西苑朝天霽。
聖顏共沐恩波。何以報相期。酌酌曲江還。

贈魏貞菴副憲

漢廷封奏皂囊開。伉直無如魏相才。按部幾人投劾去。
免冠何事上書來。珮環朝動新霜簡。風雨秋陰古柏臺。
見說驂騮增顧盼。長驅誰羨出羣材。

薛行屋日風格嶙峋似
後鶴摩空不可羈維

贈柯素培補闕以昌州令內名

鳳城朝望紫烟斜。楚客時驚鬢有華。對酒尚憐荆地月。
逢春欲寄嶺南花。殿傍曉直鐘初度。闕裏晴看雪萬家。
賈誼已煩宣室召。多君幾載臥長沙。

沈繹堂曰。意態悠揚已極。纏綿婉麗之妙。闕裏晴看雪萬家。裏句擬雨中春樹氣象尤渾結。特有姿致。

贈劉何實比部

大隱何妨近帝闈。人稱方朔在金門。身憐謫宦仍西省。
頭白爲郎亦主恩。病起燕山看過雁。愁來羌管度清

樽。淮南舊客如君少。裘馬蕭蕭散五原。

白東谷曰。三四對仗新脫。全作殊饒逸思。

送施尚白視學東省

朝來並轡薊門城。西苑秋風憶珮聲。授簡久稱梁賦客。
譚經還擁魯諸生。天高岱嶽晴虹斷。木落汶河旅雁鳴。
此別長安曾不遠。驪歌欲唱緩君行。

其二

平原高嶺敞秋陰。飛旆乘風馭遠林。羨有靈光新綵筆。
予聞闕里古鳴琴。山樓月傍青松色。畫省人希白雪音。

苦○憶○鳳○城○朝○散○後○關○河○憑○眺○暮○雲○深○

宋荔裳日二作韶
秀婉折情文兼至

贈魏環溪都諫左遷光祿

掖○省○春○雲○接○御○溝○長○隨○天○仗○奉○宸○遊○詩○名○曾○比○顏○光○祿○
封○事○還○同○魏○憲○侯○自○是○朝○廷○容○折○檻○肯○令○湖○海○有○披○裘○
莫○嫌○左○席○明○廬○遠○退○食○仍○趨○玉○殿○頭○

送李靄澤農部時以終養乞歸

欲○傍○南○山○採○蕨○薇○歸○來○長○拂○舊○漁○磯○從○官○荀○母○情○原○苦○
捧○傲○毛○生○願○獨○違○靈○洞○石○泉○聲○細○細○名○陵○村○樹○雨○霏○霏○

秋○風○滿○地○憐○游○子○先○為○栽○成○薜○荔○衣○

張素存曰似蒲生淺
瀨搖曳處倍見英楚

送孫九畹備兵保寧

萬○里○炎○方○尚○枕○戈○旌○車○八○月○下○泮○河○猿○聲○苦○霧○城○邊○急○
虎○跡○荒○原○戰○後○多○熨○道○生○徭○能○漢○語○羌○西○諸○將○半○淪○歌○
休○言○割○據○蠶○叢○遠○灩○澦○秋○高○趁○白○波○

陳椒峰曰蜀道新開西軍久戍五六最
切情事蒼涼悲壯似子美夔州以後詩

送龔芝麓苑監奉詔之嶺東

河○上○丹○楓○照○大○隄○風○吹○萬○里○馬○長○嘶○回○看○遠○樹○三○江○外○

不斷浮雲五嶺西。雁鷺秋涼橫浦隔。枕椰烟鎖石門低。
主恩直歷天垂盡。日暮河猿到處啼。

周伯衡曰其源出於明到衡山而意調更婉

送薛大武農部出使平原

擁節時沾京洛塵。風流猶見鄴城春。論詩代豈無才子。
屈指君堪第幾人。醉裏思歸種楊柳。狂來欲上摘星辰。
此行更傍垂帷地。董相祠前賦草新。

王子雍曰清老自渾五六具見豪態

送伊盧源侍御按晉中

行邊漢使歷河源。直望滹沱萬里渾。驄馬晝回關路隘。
胡鵬秋捕。雲昏地形孤突盤。三晉水鑿龍門控九原。
莫道朔方天外遠。中都長倚作西藩。

孫作庭曰起處浩蕩有深致中聯雄勁渾合允推作手

送原析山郎中出守昭武

歲晚簷帷辭帝京。看君三十擁專城。一麾出守逢花度。
五馬乘春傍雪行。烏坂巒烟昏古戍。峨眉啼鳥弄新晴。
朝臨郡閣諸峰對。俯聽泉飛衆壑清。

鄧孝威曰得嘉州筆法而神骨迥朗

送張玄林使蜀

秋原落木滿長堤。馬首爭回棧嶺低。樹色孤城盤蜀道。
猿聲一路出巴西。西天垂巖洞開烟瘴。戰罷空山急鼓聲。
好諭。焚中諸父老。江邊。郢酒醉同攜。

項眉山曰聲調悽緊第四句尤清出結意妙有含蓄

送張旭源赴邠州

孤城萬仞壓雲中。絕漠烟荒有路通。邊馬尚嘶遙塞月。
山農不改古幽風。函關曉角胡沙斷。渭水秋花漢苑空。
君過灞橋應極目。幾回吟眺寄飛鴻。

王阮亭曰崔顥行經華陰祖咏望薊門等作備極七言景地之妙惟孤城萬仞一首足以當之

送袁計部蘿叟使潞河

倉曹麾節及餘冬。送別津橋驛路逢。著作當今推記室。
度支從古仗司農。潞亭柳漾春流急。薊嶺烏啼曉霧濃。
近日臺郎多左席。知君驄馬倍從容。

送胡天行之潯陽

匡廬晴色轉迢遙。南去江州萬里橋。鼓角城邊雲黯黯。
松篁嶺際日蕭蕭。山連盩浦春廻雁。樹出潯陽晚帶潮。
應識王喬飛鳥處。雙鳧何日下層霄。

陳其年日崢嶸
蕭瑟蒼翠欲流

送吳松巖之澄邁

黎山城北五峰排。驛路花明度海涯。秦地自能通象郡。
漢庭誰議棄珠崖。瓊枝翠色連江閣。椰子春寒醉縣齋。
回首日南遷客少。相思鴻雁慰離懷。

施尚白日仲默
于鱗每善此調

送吳瑤如之閩中

江潭千尺掛岷峨。駢馬山城意若何。雪盡嘉陵春漲合。
烏啼橫嶺夕陽多。溪邊蠻女穿鹽井。洞口巴童發棹歌。

難到閩中仙隱地。丹砂好就莫蹉跎。

吳見末日起手高
健中間景色雅稱

送查巢阿之新州兼懷王望

音書嶺外日紛紛。送客江南惜雁羣。江鳥疑從江底出。
嶺梅偏向嶺頭分。洲前帆影連巴雨。峽裏猿聲滯楚雲。
誰倚海陽亭上望。木綿花發正逢君。

柴虎臣日句押兩字杜陵
多見此法尤難通體秀鬱

送趙錦帆比部歸汴州

携酒青門送客多。相看無奈別離何。漫愁關塞疲征馬。

從此乾坤有荷。簑藥鼎千年藏。日月雲山一路。少風波。
天寒大澤行人斷。獨向夷陵扣角歌。

彭燕又曰寓意
爽朗風味悠長

其二

老去辭官髮尚新。歸來河上伴垂綸。但看行李無長物。
卻幸空山有主人。錦里烟花愁極目。荒園麋鹿故相親。
紫芝石髓如堪採。洞口靈源好問津。

汪荅文曰落落
自喜傍若無人

其三

幾載除書滯一方。蹉跎蒼鬢始爲郎。鄉關夢遠迷官渡。
候雁秋深阻太行。已遂向平期海嶽。還從陶令問柴桑。
中原浪跡仍吾輩。白眼高歌興欲狂。

其四

征裘寒擁薊門雲。獵獵秋風送馬羣。霜壓長河沙岸濶。
角催衰柳驛亭分。天邊鴻雁偏愁予。海上樵蘓暫許君。
舊日草堂樽酒在。遲回莫擬北山文。

其五

梁園雪後雁初飛。早傍河邊作釣磯。買宅不知何地穩。

棄官真見幾人歸。深巖伏枕無今古。薄祿驚心有是非。
白日披裘江上晚。不將霜露濕朝衣。

宋荔裳日前躡少陵後控
北地固飛濤。惟視一代處。

賈島谷

谷口透迤霜葉乾。野昏沙濶倚危欄。掀髯對客狂無賴。
落魄憐君醉裏看。白日啼烏人獨老。青山埋樹骨猶寒。
騎驢雅欲尋詩去。石沒蓬蒿欲掃難。

邢孟貞曰。總是寫
出詩能窮人意態。

文丞相祠

丞相祠堂白晝冥。松枝偃作老龍形。百年報國臣心赤。
六月陰廊鬼火青。柴市沙昏吹宿霧。燕山風惡走羣靈。
至今揮盡崖州淚。杜宇墻頭不忍聽。

曹顧庵曰。亦本杜甫武侯廟
詩。稍見整栗。六月句尤悚。

九日同錦帆。鄴園尚白石。灘長真荆山。諸僚友金

魚池晏集

池上秋陰覆草堂。強扶籬菊對重陽。非因客邸逢佳節。
多是官閒愛舉觴。遠水沙拖眼。鷺穩高臺。楓岸落霞長。
茱萸遍插爭相笑。鬢裏誰沾九日霜。

身一峰日蒼涼。朗秀結與火。
陵明年此會句。意別慨同。

送金長真恤部之大梁兼訊王宛蘿學使

蘆橋春到正流澌。啣命王程按轡時。
汴水遠欣甘露降。朝廷新遣爽鳩司。
沙飛驛路鴻聲斷。冰滑桑乾馬度遲。
聞道子猷能載酒。殷勤爲報故人知。

周宿來比部奉使河陽謝病乞歸卻寄

飛花吹雨度繁臺。多病那堪驛使催。
白髮秋風西苑長。黃河早鴈太行來。
聖朝未許馮唐老。宦跡應憐杜密才。
好傍九峰成別墅。期君共泛故園杯。

送沈繹堂憲副赴北平

巡邊節使建牙帷。獵獵旌麾動朔風。
漢制帝京馮翊左。秦城天險薊門東。
關山雪盡迴征馬。沙岸冰流急斷鴻。
辭闕不須頻悵望。明光只在五雲中。

送陸靜涵之鬱林

風動孤檣接楚烟。滄波無際繞晴川。
三江東注鷓鴣水。萬里南荒橘柚天。
鴈背寒雲歸斷峽。鳥暄深樹亂流泉。
停舟莫戀芳潭菊。此地逢秋倍可憐。

寄題滕王閣時蔡中丞重修故址

滕王高閣枕江流。江草曾經帝輦遊。雲樹那堪重極目。山川無恙此登樓。疎林雨過青楓落。遠笛寒生白雁秋。日暮憑欄歌舞散。烟波渺渺使人愁。

蔣亮天曰景澹氣沉俛仰都盡

懷黃鶴樓

黃鶴仙人去不歸。樓前黃鶴住還飛。人從滄海求芝草。鶴向空山化羽衣。樊浦漁舟輕泛泛。漢陽烟樹遠霏霏。紅塵碧島千年在。心事誰教兩地違。

魏環溪曰讀結語令人不堪自問

過訪柴二處士寓亭不值

長安三月春蒼茫。柴生閉門消日長。漢陰丈人抱石甕。壺關老子提青囊。黃鸝恰恰鳴向屋。楊柳蓼蓼垂過牆。皂帽騎驢踏沙至。與我潦倒傾千觴。

黃庭表曰漫不輕意而姿態橫生

詔獄後與嚴給事

誰道南歸着楚冠。偏憐失路共悲酸。不凡此處須公等。相忽何人累下官。白日松廳僧暗出。中宵山魅喜同看。早知呵壁真難問。湯理江潭舊釣竿。

嚴顥亭曰二四用晉事徐彥伯謝安石語清
出閒雅似未經人道全首悲涼不堪再讀

汪比部召文左遷北城司馬

左遷何更悵離羣。並馬城郊兩地分。
出校北門隨散騎。暫辭西省作參軍。
琴樽獨對看晴雪。鴻雁相思隔暮雲。
莫惜楊雄終不調。長安詞賦孰如君。

王西樵曰典切婉合
結句確似劉隨州

趙比部錦帆喜遇京邸復被謫之汴中

馬首逢君向洛南。風塵京邸又抽簪。
一官柳下三遭黜。獨處嵇生七不堪。
對月賦成修竹館。悲秋人卧菊花潭。

黃公壚畔予歸得。何日旗亭復並驂。

黃次辰曰
秀色可殮

王伯咨都諫以言事貶官

都亭佇馬問王珣。忽漫逢君再調新。
瑣闥十年還瘴海。汶陽一疏動星辰。
休嗟歲月空微祿。苦憶風波老逐臣。
皂帽憐予三徑在。歸來仍是杜陵人。

送蔣芳萼僉憲還義興

孤城畫角曉蒼蒼。南望荆溪鴈幾行。
萬里風煙迴碣石。三秋鼙鼓斷漁陽。
河橋馬渡浮雲換。驛路蟬聲灌木涼。

父老攀車思借寇。肯容高枕卧滄浪。

趙晉襄曰以方祖詠望薊門作往往神合

送周霖公農部視學東省

幾載含香典石渠。春風早發畫熊旗。楓宸色動靈光賦。滄海星懸闕里書。自古衣冠宗魯國。近來文藻變黃初。聖朝欲問登封事。採筆還應直禁廬。

章翌茲少府津門話舊同陳康侯隱君

乍別廬山度五溪。又從涯郡作卑棲。風吹精衛迎潮氣。水泛胡盧入海西。自笑角巾堪吏傲。何妨手板對人低。

上牀更許留佳客。酒盞瓷甕鴈恰啼。

行經范陽與鄒石友邑令

昨辭丹闕動鳴珂。緩轡嚴城意若何。日落榆烟搖督亢。冬深雪片斷滹沱。驛殘官馬芻芟急。稅薄山農杭稻多。底是談天鄒衍在。徧教寒谷起陽和。

毛大可曰日落冬深二語雄渾傑出獻吉而後罕與爲匹

和韻酌上谷陳靄公見贈之作

范陽比舍數晨興。公子詞華擅博陵。袁虎雄才無敵手。江淹愁賦欲填膺。春城柳色傾燕酒。蕭寺鐘聲對剡藤。

百尺樓中湖海士。嶽遊何日共擔簦。

陳其年曰此亦百尺樓中語敬手填膺屬對巧妙

戊申首春六日高陽城北郊會飲同張蘊生令君
芳郊春望野烟蒼。河尹行春共舉觴。興比永和尋曲水。
客先人日醉他鄉。官橋樹遠迷殘雪。城闕鴻低度夕陽。
綠酒紅亭堪佇馬。東風初遣柳條長。

宋轅文曰俱從首春六日着眼情文並美客先人日句尤爲婉至

早春遊左中丞園亭同吳耳庵華雲從和劉幼安

韻

郊園春色換鄉心。倚杖城西客共尋。耐凍疎梅初見萼。
弄晴小鳥未成音。更逢阮瑀能裁記。何但奚康解好琴。
選勝探幽幾回醉。天涯到處有長林。

其二

左氏幽亭花滿園。扶疎野蔓似山村。池栽楊柳應環水。
徑長蓬蒿不掃門。虛檻出雲含杳靄。空林啼鳥易黃昏。
擬騷劉向偏多恨。把酒難招楚客魂。

周青士曰境在目前若不經意而風調自工真大家作手

贈鄭丘楊令君

茂宰聲名頴水齊。還如伯起在關西。詩成坐得滄洲趣。
簾靜惟聞鶴雀啼。野樹風烟生卧閣。農家芋菜滿春畦。
晚來醉客燕山月。深柳橋邊繫馬蹄。

徐敬庵曰起手蒼老二四寫出山城閒吏曠致令人想見元道州

贈河間張季超郡博

高陽曉樹正啼鶯。飛蓋游韉夾郡城。張載詩名原洛下。
獻王文物尚西京。珊瑚筆架含烟潤。苜蓿春盤帶雨清。
歌舞當筵誰得似。絳紗環遍魯諸生。

贈華雲從文學時傳漳海黃公子

野服班荆旅舍中。琴書靜見古人風。手揮高士歸鴻引。
角折諸儒白虎通。作客春申家在楚。譚經漳海道仍東。
華歆仕魏非君匹。我亦披裘愧不同。

王黎洲曰結語寄情孤迥卓立千仞

逢吳山人于父

聞君歸路倦遊燕。短鋏蕭蕭倚暮天。驢背一裘春雨裏。
鹿門雙鬢夕陽邊。樽前白雪誰能掾。肘後青囊世共傳。
他日相期定何處。月溪橋下釣漁船。

聽鶴子山樵彈琴

鶴子山樵好弄琴。坐移清響到空林。愁來自共嵇生醉。
老去偏爲莊舄吟。蜀道啼猿秋樹渺。湘江歸鴈暮雲深。
朱絃玉軫如流水。落盡梅花何處尋。

吳慶伯日縹聊悽清咏琴
佳調固亦高山流水也

梁溪顧東山先輩奉祠

抗節清流樹赤標。風裁嶽立自雲霄。百年俎豆榮三仕。
一水蘋蘩薦兩朝。才並左思留錦賦。志同劉峻戀山椒。
菁莪遺澤成今古。翠葆霓旌尚可招。

又

間代名賢跡自希。蒼松朗月見容輝。琅玕秋映冰盤潔。
琴瑟聲飄玉鏡飛。束帶不因彭澤去。掛冠還傍鹿門歸。
雙清遺老堪圖畫。彷彿當年舊拂衣。

贈石都統憲章駐鎮兩浙

森戟連營曉角催。江湖環擁越王臺。封侯禹年方少。
出鎮元規幕正開。榆塞旌旗雄兕甲。椒房璽券護龍堆。
只今瀚海無傳箭。萬騎城南校獵迴。

馮侍庵日沉雄整麗以杜陵風
骨而兼隨州之異采允推傑構

寄懷潮陽林郡守果庵

海陽春樹望依微。萬疊蠻雲客到希。大壑風驚知鯉徙。
炎天浪起見龍歸。桃椰色映郎官酒。荔子香侵刺史衣。
憶得嶽遊同拄杖。西湖還念舊漁磯。

介鄞州張徵君八十

隱君高枕越山岑。短髮行歌忼慨吟。皂帽終憐浮海志。
赤松未遂報韓心。螺樽獨對看叢菊。鶴詔空懸返舊林。
正合磻溪垂釣日。滄江長戀白雲深。

陸義山曰皂帽二語超卓通首雅潔

扶荔堂詩選

仁和丁 澎葯園著

野王畢九臯鳴鶴
韓陵李陞銓熙載 輯

七言律 居東稿

寒食簡嚴補闕顯亭

塞北春光罷可憐。東風三月未知還。崖冰斷壠驚新草。
野燒空林廢禁煙。燕子怕歸寒食候。梨花愁夢曲江邊。
故人漫作葍鱸約。京邸音書又隔年。

梁峯巖曰清新秀婉本高常侍一派而更出以疎折

宋荔裳曰交情款摯溢於言外似白江州寄元九諸作

秋夜病起寄洪良軒光祿

中庭露白井梧殘，向夕懷君遍倚欄。病起釋愁吟自苦，別來無恙訊俱難。茆簷月出昏鴉噪，山館燈清旅夢寒。此地不嫌歸鴈少，愧將衰鬢報任安。

吳梅村曰：情語欲真，景語能秀，已入詩家三昧。不知王孟奚論李何。

稽淑子曰：結句愴然直欲一彈三唱。

野眺

秋原落日俯長谿，倚暮看山獨杖藜。浦日蒲菰雙鳥外，幾家烟火萬峯西。泉傾古洞雲偏出，人在青冥鳥亂啼。

精舍不殊尋柳谷，惟令許椽得幽棲。

朱近脩曰：予於邢上得快讀葑園詩，至人在青冥句，栩栩欲飛，恨不携謝朓驚人語，搔首問青天耳。何韃音曰：吳鄉景物觸目蕭疎，讀之有萬里西風之感。

辛丑立春

自註：是年立春六日。鴻烈云：歲辛則麥昌。

雪盡南山見敞廬，霏微庭日散郊居。盤冰洗甲萵絲嫩，歲首逢辛麥氣舒。明日醉拚人日酒，他鄉愁發故鄉書。椒花綵勝喧兒女，冷落園梅幾樹疎。

王大愚曰：張幽州去歲今年同此惆悵。梁仲琳曰：亦似李嘉祐。

胡少宰予袞先生病假

謝公泉石暫棲閒。望係蒼生未許還。一卧滄洲違北闕。
半留晴雪對西山。每懷温室時焚草。愛寫黃庭日閉關。
獨有禁中雙白燕。銜花長過藥欄間。

曹錫餘曰：悠揚蘊藉絕去浮響。近日詩家當以此爲正宗。

顧見山曰：一結蕭然意遠。門庭羅雀可知深得風人之溫厚。

過素菴相國草堂

相國閒堂遠市喧。野葵宛宛向堦翻。疎籬雨過長縣榻。
凍雪春殘未掃門。丹鼎盡傳茅氏訣。青山還似謝公墩。
舊遊獨有任安在。乘興時來學灌園。

張鵬浮曰：起手高渾似從柳市南頭。一首得來秦留仙曰：羅羅清疎可况湘江雪竹。

移居東山崗

東岡霽色散微涼。消夏山居薜荔長。半畝自鋤堪秫酒。
一身無地可藜牀。看鴻盡日凭孤檻。行藥疏泉過女牆。
谷口子真相識舊。白雲來去到滄浪。

馬觀揚曰：沉鬱淵淳如龍吟古鼎。足以仰映層巒。俯對幽壑。三四天然工妙。計甫草曰：無限激昂於曠岩之中。嵇中散目送飛鴻。固不減唾壺盡缺時也。

詠九日對菊

節近重陽雨過勻。籬邊晚對數花新。非關此日偏愁汝。

似厭他鄉却傷人。潘令多情堪自笑。陶家無酒亦相親。
強扶藥餌秋能健。莫爲登高益損神。

龔芝麓曰工部他日之淚似尙隔一層

劉公誠曰少陵恨不折來傷歲暮若爲看去亂鄉愁
爲咏梅絕唱祠部此首似魄骨于杜却無纖毫依傍
處善摹古人者正當如子敬之于蘭亭耳

劉將軍祠

咏懷近跡五首

嶺外荒祠抱夕陽。歲時遺老獨烝嘗。霸旗夜閃秋河影。
石馬晨嘶冷露光。莽莽野鳶翻凍瓦。陰陰山鬼嘯虛廊。
愁雲滿地連沙草。原是將軍古戰場。

孫作庭曰若天吳跨神鼈噴沫于滄波巨浸間
徐立齋曰八語悲壯淒涼大見英雄本色

張憲使墓

陽山木脫塚壘。七日暮經過。蔓草垂海外。化鯢歸北極。
松間宿鳥護南枝。百年墮淚前朝寺。萬里全身漢使麾。
快得崇虛道士說。鬚髯想像讀遺碑。

洪畏軒曰峭壁孤松空巖清嘯彷彿其高蒼

尤悔菴曰張公節義不讓信國祠部已爲立傳而又
入五君咏中表揚幽
逸真風人之責耶

左萊陽著書宅

生平苦憶左萊州。謫去龍沙萬里流。按曲能傳中散調。
遺書應耻茂陵求。黃榆夜雪長驅犢。紫塞春風幾換裘。

潦倒暮年誇健筆。至今辭賦滿滄洲。

沈繹堂日子美雲雨荒臺飛濤黃榆夜雪久堪竝時
陳霽公曰左君大來謫居著述盈棟其紀事詩搜采
散軼惜未有傳于世者得祠部
拈出庶蔓草寒沙不致寂寂

季拾遺故居

茅堂間寂傍城西。庭樹無人出檻低。但可蓬蒿鳩自笑。
何妨卑濕鵬來棲。藥鑪秋冷餘殘火。蘚壁塵封尚舊題。
身後獨煩宣室召。凭欄空見草萋萋。

土西樵曰秋草寒林千古同慨讀此覺天中忠義貫
雲猶躍躍紙上正不必唱憐君何事到天涯也
汪蛟門曰嘗讀祠部送拾遺歸襁序淋漓辛楚深人
忠孝之思此詩憑乎愴然竝堪不朽○三四創句

剩禪師講堂

南海頭陀冰雪顏。安禪此地掩松關。珠江卓錫隨龍度。
花雨空臺任鶴還。耶舍自來葱嶺外。維摩只現白雲間。
諸天別有廬山境。石上藤蘿漸可攀。

柯岸初日空谷流泉音響迥別
王北山曰蕭疎之致神似右丞筆意

施尙白少叅將赴湖西在訊舊居以屬和舍弟青

桂篇見寄遙酬此作

蘆中人去十年餘。寂寞誰過問謫居。公叔論交雙涕淚。
子卿無恙數行書。仙人桂樹秋能賦。小弟池塘夢久虛。

但到洪州莫西望。吸江樓外暮雲疎。

史立庵曰少叅所訊者故人無恙耳答詞雄麗不更作酸楚語宜其玉門復召也

李湘北日曾見先生答施湖西書已不堪再讀合此凄愴之作幾欲碎雍門之瑟矣反復其詞益令人增友道之重

虞景明日弋雲素涵詩名韻頗宜少叅津津若此

郝復初侍御山居小酌

八月山中草閣涼。道書閒讀慢焚香。慣吟蟋蟀侵階雨。得食鼪鼯墮石牀。客到定尋張蔚宅。隣居偏愛鄭公鄉。今朝不事長齋禁。且拚如泥作太常。

陳學山曰太華晴雲蒼秀欲滴

王阮亭曰三四景色幽涼濯濯新奕曾未經人嚮指

又不失唐音今人斤斤奉濟南幾食生不化此真玉蕊冰蠶也

秋到憶鄉園寄答景宣馳黃諸子

故人遠道勸加餐。惜別他鄉木槿殘。已信疎狂逢世拙。便令愁老著書難。園葵耐向秋畦發。池鴈驚知夕露寒。千頃渾河三尺鯉。羊裘終負舊漁竿。

曹顧庵曰祠部近詩憂憂乎陳言之務去間或出入中晚風韻獨高正使墮宋元塵霧者無處置喙楊靖調曰异地風高故園秋老兩兩關情寫照特爲盡致

報宋荔裳觀察

風起盧龍急鴈行。幾年歸夢度漁陽。髡斜季布藏車下。

鈞黨符融泣路。仿馬怯危橋。水汨汨。鶴鳴橫嶺月。蒼蒼。乾葵棘。兔驚秋晚。不敢逢人問故鄉。

周霖公曰清音激楚如歌赤之揚黃覃子殆角聲耶

張祖望曰嘗讀葑園答宋觀察書交情款密足增友聲詩合調爲重也至通體激昂悠楚又如聞漸離之筑矣

答朱近修

十載間關鬢各催。尺書何意故園來。反騷欲擬題湘竹。懷舊無心折嶺梅。酒態疎狂寧玩世。主恩寬譴特憐才。爲農幸老昇平日。莫向江頭賦七哀。

程周量曰鳳管秋聲孤松絕壑饒有此致弟弋雲曰近修致書以漢陰相戒故答詞微婉入情

東郊十首

海。天。秋。漲。洗。虹。旂。武。帝。巡。遊。出。射。蛟。萬。里。金。湯。歸。北。塞。百。年。宮。殿。鎖。東。郊。和。親。異。域。原。甥。舅。拜。表。降。王。盡。土。茅。直。把。河。源。還。內。地。何。須。遣。使。問。蒲。梢。

嚴題亭日起句雄銳結尤精切自是盛唐佳境宗鶴問曰東郊詩使事序景寓感或悲或達時合時離以雲霞潤金壁之輝以壯濶寄遙慨之旨真老杜秦州東坡海外可代紀年可佐國史洵古今之傑作也

其二

燕東形勢古營州。昔日繁華控上游。歲幣明珠團似錦。
賜衣天馬刺爲裘。河名太子龍。次浪城號夫人鳳。起樓
雙島外。連長白。險房梁。跨海莫深憂。

徐敬庵曰雄麗高蒼歸然挺出如孤峯之插晴昊
趙錦帆曰賜衣句造語奇警

其三

差。幾。官。闕。舊。華。清。遠。郭。渾。河。一。水。橫。樂。浪。開。邊。仍。置。郡。
元。戎。留。守。作。陪。京。山。迴。陵。隧。多。雲。氣。戶。給。沙。田。廢。火。耕。
瓶。業。兩。朝。弓。劍。在。荆。榛。風。雨。發。陽。城。

高念東曰氣莽調峻洵是合作
許西川曰鋒穎犀利神彩煥然若健翻摩空下視林

藪使狐兔悚伏真
七律中射鶚手也

其四

吐。番。千。騎。尙。紛。紜。鴉。鶻。橫。關。隘。口。分。積。雪。靈。靄。青。障。月。
晴。天。莽。莽。黑。山。雲。秦。箏。羌。笛。悲。三。弄。野。馬。羶。羊。膻。一。羣。
不。遣。甘。泉。報。烽。火。居。延。昨。已。撤。南。軍。

方樓岡曰白草黃沙一瞬萬里摩
尼解疏勒鹽諸曲悉入西圖矣
張素存曰結語淡渾較
江左長安句更進一格

其五

麟。賊。險。塞。自。強。梁。青。海。銀。州。總。一。方。不。斷。冰。流。開。鴨。綠。

無邊秋色老龍荒。五原部落如羗俗。四姓良家是帝鄉。
蒲地粉榆看舊社。長陵風起莫飛霜。

季滄葦曰。沆莽縱橫。放則驚濤拍天。歛則山河倒影。氣象沉雄。允無敵手。

申梅江曰。寫陪京山川風俗雄麗。沉亮似工部二陵風雨等語。非中晚人可及。

其六

黃榆昏霧莽郊坰。獵火山頭朔氣冥。放馬盡來沙苑白。
彎弓直落海東青。牆烏剝啄開甌脫。野月悲涼古堠亭。
遮莫牛羊滿陵谷。可防餘盜出丁零。

李望石曰。榆關青海歷歷在目。詩中畫亦詩中史也。黃庭表曰。結語暗用丁零盜蕪武牛羊事。典客固自

視不淺

其七

城邊首藟近開遲。寶裕彫弧異昔時。片石寨雲迷獵騎。
萬花樓樹賽荒祠。紫貂斜鞞燕支女。白馬橫行隴上兒。
別部龜茲兼破陣。都將雙管夜中吹。

施愚山曰。筆筆生動。崆峒之秋。懷失其壯。滄溟之太華。遜其婉角。立怒視旁。若無人。

吳松巖曰。寫景悲涼。可當土風別志。

其八

將軍橫海節旄新。控制三城虎豹屯。北闕嫚書憂闔外。

東江秘計出平津。銅符尚勒戈船號。玉帳虛蒙碧島塵。
見說安西多部曲。雲臺爭念杜郵人。

鄒程村曰西風鵬鷲矯矯不羣。震南之收由於門戶而史諱不書俯今追昔可令九原動色。陳伯璣曰有聲有法無懈可擊。

其九

牆子黃崖罷築營。九關環甲坐銷兵。朶顏外置三千戍。
正統初屯十五城。羯鼓迎神全漢臘。琵琶供客半秦聲。
防秋萬里無烽燧。直到盧龍右北平。

李鄴園曰精爽渾脫包藏甚大當與少陵諸將咏懷詩傳。

王夙夜日于沉鬱頓挫中忽入韻語生姿老杜每用此法如琵琶供客句今全首神氣橫出

其十

先皇北狩整鸞旂。八隊戎行盡錦衣。虎跡空城三戶少。
鶯鳴老樹二陵稀。風生海積沙長滿。春到穹廬雪正飛。
射獵灞亭皆將種。馬頭親擁白狼歸。

陳其年日十首俛仰古今聲采壯烈非有意摹秋興而神格宛合慶陽諸作自當退舍。林鹿庵曰音節清雄似龜茲鬪鷄之詞句麗芝栖之舞。

嶺上行春偕張蘧林陸繡聞郝雪海諸君

深柳亭邊任客驂。氤氳春色似江南。輕烟不散松醪熟。

細雨初生。蕨味其地。勝蘭亭追逸少。山多霽藥問蘓耽。此中非復人間世。莫遣飛花逐釣潭。

顧且庵曰錢郎作調

吳瑤如曰聞葑園東居五載畧無遷謫狀起居晏如也其襟懷與蘓柳諸公又當過之是詩固東岡一佳話耳

懷唐閩息山齋

築舍移家傍塞城。為農終歲事躬耕。梁鴻操作原偕婦。何胤棲遲賴有兄。日冷疎檐安鳥雀。草荒春雨斷柴荆。朝來抱甕隨行藥。肯令樵夫識姓名。

宋蓼天曰風神飄俊當在詞空圖顧况之間嚴柱峯曰幽谷芳蘭不同新楚

簡赤崑開士兼索卉木

禪堂卉木淨無塵。獨許支公暫住身。入定松風綠磬寂。聽經鹿影度堦馴。裁書欲答王中令。怨別何妨休上人。瞻仰法壇花似霰。分予添向玉瓷春。

汪鈍菴曰滿樹枇杷之婉花宮仙梵之幽俱堪伯仲紀十湘曰使事都以趣勝固是典客擅場

逢春

逢春何事倍思家。明日生還鬢已華。老向玉門驚簞築。臥看銀海泣琵琶。無才早擬歸田賦。有夢虛乘下澤車。百戰沙場人去盡。夕陽開遍野棠花。

見燕

杏葉新陰拂女牆。風吹小燕過池塘。相期定似逢寒食。
乍見爭如話故鄉。弄影不教沾柳絮。啣泥何惜點琴囊。
雙栖並翅真憐汝。愁殺盧家春晝長。

送雁

頻年送汝長為客。底事分飛不憚勞。秋去更嫌春塞苦。
南來只傍北風高。秦關月冷迷砧杵。湘水雲深惜羽毛。
莫把羈覓付瑤瑟。鄉園木落總蕭騷。

許漱石曰自爾特深不特風神之婉麗也

奉陪 國子藩公遊東園應教

芳郊亭榭露華清。雲木扶疎遠向城。椒室宗支臨北渚。
桐珪分胙守東京。忘憂別館檀欒發。煮石層巖桂樹生。
絲竹不教諸樂伎。祇餘丘壑有新聲。

劉鍾宛曰意景俊爽如聆山水清音唐人陪遊逍遙公奉勅詩無此弘麗

其二

帝子園林花徑深。石欄松竹氣蕭森。鄒陽賦拙難辭酒。
郎將才多雅好琴。白雪揮毫皆上客。朱門挾瑟有知音。
逍遙手註無餘事。薜荔成帷綠滿陰。

趙閩仙日於重典雅知非曳裾之客
彭退菴日逸秀處若碧海珊瑚以幽沉見寶

其三

城頭吹角尚橫參。野苑遙停柳外驂。
一代藏書歸獻邸。九秋招隱薄淮南。
凭軒修竹侵風幔。繞砌疎花亂石潭。
客盡布衣歡甚洽。相期何惜早抽簪。

顧修遠日三詩纏綿深至直逼盛唐洵工部集中最
有關係之作

春暮郊居

極目城西花正繁。倍將春色散郊原。
紫荆着雨縈牆角。紅藥翻風帶石痕。
虛擬岷陽堪作宅。爭如愚谷暫依村。

此隣孫楚偏饒興。取次相過倒暮樽。

徐子星日寓意深遠碧漢閒雲舒卷自若
方與三日三四媚秀似圖家設色無藉粉本

其二

石闌新見長莓苔。檻外風微凍却迴。
遠水乍波鷗浴罷。小堂初雨燕飛來。
樵過析木時相問。客到捫荆不用開。
共道牆東繁杏好。何人知是蔣生栽。

毛馳黃日詩不宜新恐妨正格若此翻空出奇惟只
警穎千年化繭不知園客誰為繅耳

李于燮日洗盡凡
音固是瑶天笙鶴

過孫赤厓山中舊居

北山閒館背孤峯。客去蒼涼遍野蛩。叔夜鍛鑪仍宿火。伯鸞春杵尚遺蹤。虛牕卷幔秋螢入。挂壁殘書石藓封。盡說高人厭城市。堦前惟種一株松。自註用孫綽事

曹秋嶽曰體潔而幽是大家嫡派
吳漢槎曰全以韻勝有閒雲出岫之致

寄從叔羽儀客幕赴江寧

偏從晚歲滯京華。世路風塵枉自嗟。入幕聊為常侍客。寄書祇念阿戎家。南鄉鴈到星添鬢。絕塞春歸雪尚花。倘遇江樓夜聞笛。定應回首望龍沙。

梁曰輯曰於韶麗中獨饒真摯固無曼聲浮響
彭羨門曰琢而渾瞻而秀其皇甫兄弟也

寄方二邵村時汲郡張坦公就道

層臺雪後鴈初迴。春盡柴門凍未開。隔歲鄉書何日到。向南遷客又東來。車驅出坂逢新使。野摘留人少舊醅。極望蒼梧應灑淚。澣蘭河外夜烏哀。

毛大可曰日以歲日東南屬對法工句婉全作俱無聲
偶之跡殆幾幾欲化也
弟素函曰蒼梧句疑聞鼎湖之信而作逐客成羣情
深戀闕讀之悚然欲涕

奉餞李吉津詹事 內召歸齊州

離亭分手暫銜杯。欲別驪歌馬上催。八月秋風重入塞。百年歸夢幾登臺。長遷始信虞翻枉。抗疏終憐賈誼才。

不是并州情倍切。臨行那得少裴徊。

魏子存日二首從在喜中寫出悲涼而欲歌欲泣情致宛然

馮訥生日詩為送歸而作意以久戍而深故與會感舉溢于滿幅不自禁其才華之畢露也

其二

清秋一騎度榆關。望裏長安霄漢間。從此餘生存草露。不須頻起視刀環。樽中復滿平原酒。馬上仍看歷下山。

為問同來青瑣客。今朝竝轡幾人還。

自註兼感魏季

項晉山日起手聳亮一注而下勢如建瓴中間淋漓快次快極情盡致大似子美收京等作孫昆如日意以同遊謂謝幸公獨得生還總屬欣快之詞神情更覺無限

送季天中給諫奉

詔歸櫬之海陵

龍沙古塞截雲霄。北向冰天壯氣消。三載夢回丹闕近。一身愁遣玉門遙。非關死後求遺疏。不待生還負聖朝。萬里故人齊引紼。靈旗風急路蕭蕭。

趙雙白日不待生還句忠愛渾厚讀之自覺警悚

陸繡聞自白下歸

東行翻作故鄉悲。萬里間關淚暗垂。瀕死更從戎馬裏。日歸况是雪霜時。漫傳烽火連天遠。貪發家書對客遲。最憶烏啼白門柳。分明移向角中吹。

朱止谿日流離
愴宛結有遠情

贈沈六吉醫士

暫來塵外避烟波，獨肘青囊任嘯歌。
抱璞盡傳丹鼎秘，參軍舊愛紫髯多。
六吉頎而髯，曾為淮幕，故云。秋生古戍看鴻雁，不
落邗江念芰荷。君賦廣陵濤自壯，起予七發更如何。

陳素菴曰：沈生技奪鵲，佗為廣陵名手，以俠槩東行，風流堪賞。詩中抒寫備極情致。秋生一聯秀絕。

送周質菴侍御奉 召營建歸京

春風三月度遼陽，馬過燕關柳正長。
行矣暫為秦匠作，歸然獨有魯靈光。
營建自曠者樓工已竣而質菴最後漫嗟梓澤成荒壘

好趁榴花及故鄉，坐上相看半歸客。
臨岐不用各沾裳

蔣芳萼曰：似喜似哀，如笑如謔，悲歡之態溢動滿楮。沈甸華曰：巧合新出秋月哀箏足方婉秀。

永安橋

千丈晴虹跨赤霄，天邊忽下永安橋。
二陵雪盡松楸出，萬井烟開雨露消。
漢水滄茫原有樹，咸陽灞澗不通潮。
翠華曾作臨汾賞，小隊鳴弓逐射鵰。

周櫟園曰：氣雄力厚，似崔顥行經華陰詩。許師六日結語調高聲可過雲。

度遼河

風凋木葉渡句驪，岸澗沙崩馬亂嘶。
塞水盡流環漠北

秦人遠戍限遼西。悲笳夜動魚龍出。大雪秋深虎豹啼。萬里關河原若帶。長安回首暮雲低。

王仲昭曰水環漠北何日南來秦限遼西今更東去風人之託旨微而婉矣至沉雄渾健固是大家老手

早發河山驛

青林朝度雨濛濛。古驛荒榛一徑通。樹密人行深霧裏。山昏馬卧亂沙中。王尼車上家仍在。阮藉愁來路豈窮。髀肉盡消黃鵠逝。不堪鄉國任廳蓬。

方邵村曰寫境如在目前鄭谷許渾每多俊語項聯新警直若置身沙堆叢棘中詩必真始傳於此益信陸子淵曰祠部不善騎每乘鹿車行遊紫塞中詩飄酒勺手一卷吟哦自若樵夫牧豎望而知為蒨園先

生也王尼句自况極肖云

廣寧城有故李將軍第宅

隴西舊日曾開幕。城外峰圍樹樹青。野燒千屯孤斥埃。清秋一雁下空亭。飛沙撲面啼山鬼。急雨吹裘墮箭翎。置尉只今煩廟算。黃榆霜色滿邊庭。

諸西侯曰三韓新置郡縣規模弘遠如少陵韓公本意諸作流離間關不忘經畫如此張丙齋曰錚錚異響如莫邪干將難與爭鋒宜其為李林甫之所忌也。清秋句淒曠五六杼寫新突

登翳無閭

削出懸崖紫氣垂。名山北鎮聳邊陲。桃花明滅秦人洞。

玉簡虛無漢代祠。風急蛟龍藏壑底。雪殘麕鼠掛松枝。嶽游未遂盧敖約。倚杖登臨悔較遲。

孫亦厓曰華勁熨貼故但見其自然不覺其刻畫
蔣大鴻曰與登岱諸作並傳足令山靈色起

浴湯泉

曾聞賜浴華清裏。得到溫泉試一過。霄漢直應分雨露。窮途何意散陽和。仙人勾漏思丹訣。漁父滄浪愛濯歌。不是聖朝容薄遣。那從此地沐恩波。

郝雪海曰天牛峨眉峻其骨詩中之仙品也
耿近龍曰結語風人之遺

度嶺見長城

嶺坂風迴樹鬱盤。長城如帶霧中看。隨陽雁斷天疑盡。背日峰高夏苦寒。滄海不沉秦女石。浮雲欲動楚臣冠。伊州一曲先揮淚。况是親從行路難。

沈友聖曰輕霞曉山嫣然深秀三四刻畫盡意
陸梯霞曰空林夜鶴巫峽秋猿彷彿如聞啼嘯

入關

天迴紫塞抱神京。萬里從戎向此行。玄菟自通滄海郡。盧龍直壓古秦城。敝裘着雨黃沙擁。遠戍逢秋白髮生。但到玉關重入少。寄言征馬莫長鳴。

王印周曰敝裘二語不堪多讀悲涼忼慨古來關塞
征人之作無能遠勝

魯紫漪曰神簡而骨峻如登太華之巔雲物出沒俱成異觀先生數年遠戍入關詩絕無驚喜自得之態而措詞忠厚不亢不激古純臣馳驅盡瘁之誼公冰天一卷中傳之矣

扶荔堂詩集

仁和丁 澎葯園著

安陵常翼聖肅之

尉氏劉承譽克家

輯

七言律 遊集

奉和梁蒼巖尚書見贈之作

遂初歸未二疏年已見懸車早着鞭。雨雪定成黃竹頌。漁樵相和白雲篇。謝安屬望人皆倚。公叔論交我倍憐。鳴澤共迎元狩 駕暫違青瑣亦朝天。

自註漢元狩二年幸獨鹿鳴澤今大駕巡遊乃其地也

嚴顥亭曰宗伯贈葑園原唱云彈缺荒
城事可憐故六句有公叔論交之感

其二

昔侍宸遊散玉珂。郊居秋爽更如何。天連倒馬浮雲
斷。城近飛狐落木多。十月蘆笳吹紫塞。一裘風雨渡黃
河。臨岐執手看雙鬢。爭惜年華委逝波。

王子雍曰沉雄爽
秀天寶以前傑作

梁葵石少宰左遷光祿以終養歸過訪有贈

還朝供奉紫宸前。光祿詩名世共傳。野鶴晴沙堪入夢。
疎藤粉署尚含烟。仙人承露分金掌。侍女添香引御

最是巨源多薦達。肯容幾載傲林泉。

其二

採芝恆嶽暫投閒。覓得丹砂好駐顏。十載斑衣供白髮。
一樽寒雨戀青山。金門方朔多仙氣。玉洞茅君有大還。
手註黃庭忘歲月。蓬洲原未隔塵寰。

項眉山曰少宰頗精修鍊故
詩中津津殊有雲霞之氣

贈齊鍾銘郡守

旌麾遙引畫熊旛。驛路鳴沙落日昏。酸棗秋風吹暮角。
黃榆霜色照清樽。恆山北鎮開河朔。太守東方出鴈門。

步 卷之三
認道五陵公子舊爭看。裘馬獵平原。

徐子星曰亢莽清
蒼直欲俯視北地

與鄭瓊水少府

傳道鑾輿南狩時。千山落日閃朱旗。官兼戎馬風塵急。
路界關山雨雪遲。三輔豪強皆送息。五原烽火莫交馳。
明朝警蹕巡行處。先奏長楊引御麾。

自註時
上狩於恆山

送史雲次督學之大梁

岸柳霜凋汴水迴。清秋麾節指繁臺。黃河樹色依中嶽。

粉署薇星接上台。入洛文章華省盛。渡江人物舊京開。
大夫莫厭承明事。還向延英薦賦才。

寄懷陸裕州咸一

驛路斜陽古木稀。蕭條山郭盡茅扉。無多廳事花頻落。
不少家書鴈獨歸。渺渺淮流天外盡。蒼蒼楚樹雨中微。
可知秋夜懷君處。桐柏山頭霜葉飛。

劉公載曰錢郎
格調風趣宛然

寄倉曹鴈水弟初度

苑牆絲柳漾春暉。年少爲郎直瑣闥。視草常沾仙掌潤。

趨朝時拂御爐歸論才世共推丁廩入洛予應愧陸機
原是金門接蓬島紫芝釀熟燕初飛

林西仲曰五六使事雅切不泛

慰河陽李子燮下第

津橋昨望孝廉船獻賦長安又隔年名在河東真鶯鶯
家存司馬舊貂蟬嵩華雪映藏書屋污水春流負郭田
作合定須揚意薦古來淪落幾才賢

董蒼水曰唐人慰下第詩皆出淒清激楚此特秀爽日矜故雄健有氣色

寄徐敬菴吏部

明河遙夜隔明光客歲移身尚客鄉愧我五遷遼海外
多君兩調漢中郎懷人月出題書懶伏枕江流歸夢長
自分不堪成朽拙漫將名姓及奚康

杜茶村曰少陵却下襄陽向洛陽嘉州洞穿江底出江南句法中以疊一字取勝此作起手高妙格調俱老

李丹壑曰天然秀則在仲默集中亦不多見

寄李洪範令武隧

鼓城山闕半蒿萊殘邑分符驛使催蕪蘗秋花迎綬至
滹沱甘雨傍車來沙田堯礪耕人少關路蕭條獵騎廻
第一推君真不愧賈生原是洛陽才

予丁酉中州榜李居第一

鄴中懷古

漳水東流飛白楊。廢宮何處不蒼涼。野田雀啄空臺雨。
岸草螢侵墮珥光。蕙帳竟歸環佩冷。荻香人杳寢園荒。
英雄霸業終黃土。禾黍秋風半夕陽。

其二

魏帝高臺瞰碧澄。松楸月出望西陵。翻波翠鳥粧時靨。
傍岸紅蕖舞夜燈。鴛瓦凍殘銅雀雨。蛾眉秋老玉魚冰。
彫欄碧砌空流水。極目蒼茫何處凭。

周元亮曰憑眺
悲涼俯仰都盡

寓許西山別業偕王植初李大根熙九諸子畱連

永夕行次雪苑遙有此寄

柳暗河橋緩客輪。西園文物未沉淪。雲開鄴苑思公子。
樹老韓陵對故人。卜夜深杯綠病減。驚秋旅鬢入愁新。
不知玳瑁樓前月。多少清光到許詢。

王夢航曰雲開二句
宛秀令劉長卿却步

宋中徐恭士集同計甫草侯仲衡陳子范諸君

海雁橋東高士廬。近城門巷倍清虛。臨風灌木陰陰淨。
却暑園葵宛宛舒。客到自移畱穉榻。酒闌猶草薦衡書。

平臺舊侶還誰在。莫訝逢迎髯各疎。

徐恭士曰客到二語先生白道耳僕何敢當

酬侯仲衡桃源舊尹

會聞仙令去桃源。廿載潛名老灌園。授簡仍為梁孝客。抱關終念信陵恩。草堂汴渚書千卷。秋水蒙城酒一尊。賦雪惠連今在否。荒臺雲樹倍消魂。
兼弔令弟朝宗也

寄秦觀察補念蒞江州

望裏章江繞郭清。遙山極浦控蠻荆。天廻橫嶺雄新府。樹帶浮雲出灌城。周制風謠煩太史。漢廷秋憲屬臺卿。

相期攬勝逍遙閣。攜手松門鏡裏行。

曉發濠州

長淮如帶抱中都。明發濠州近五湖。夜促客難消濁酒。星稀馬尚戀青芻。江分西楚灘流斷。路入南譙大別孤。回首舊憐豐沛地。長陵雨過樹模糊。

韓念子曰無限感慨項聯寫客途景况淒絕

行經定遠贈徐豫章令君

城頭劔闕聳清霄。襟帶淮流控鶴橋。令尹廉名同楚相。封侯邑號似班超。雲從華蓋通幽嶺。水出濠梁挾暮潮。

得向蒙園稱吏隱。高臺秋水尚迢迢。

許竹隱曰蒼蔚高聳封侯句不嫌巧合

冀扶萬郡守九日登宣城北樓同史及超胡鹿游

楊樹滋喬元聞諸年友

北樓山色俯廻欄。向夕登高客共看。嶺樹雲來雙澗合。江城楓落萬家寒。花開九日人先醉。菊度重陽雨後殘。不負謝公饒逸興。泠泠秋月上琅玕。

寄酬施湖西都門懷飛濤入關之作

登君池閣雁初還。十二峯頭憶舊顏。無恙故人燕地客。

依然妻子鹿門山。江樓對月愁多夢。秋夜裁書淚欲斑。藉得參軍能置宅。轉將蓬島出人間。來書云坐擁西湖轉如蓬島

酬莊澹菴太史贈書

是宛陵十景之一

晉陵太史愛煙霞。坐對青林石徑斜。方信雲邊出江樹。偏宜竹裏住漁家。空潭晴插峯千尺。遠寺秋陰水一涯。臥看自餘濠濮想。敬亭山下有南華。

陸蓋思曰景奇意逸在畫家亦居神品之上

送梅淵公偕計

臘月流澌送客時。孝廉船發未嫌遲。子真後裔多仙氣。

摩詰前身豈畫師。馬首盡看燕地雪。鶯聲先報上林枝。
十年懷裏凌雲賦。早晚應逢漢主知。

別龔使君

城邊萬木靄清輝。遙望霓旌接翠微。治郡真如龔渤海。
詩名不讓謝元暉。秋臨山閣梧桐老。暮凭江樓鶯雉飛。
相送踏歌情倍切。桃花潭上醉忘歸。

許生洲曰結意似本太白別注倫而翻出新妙情味無窮

紀伯紫同龔芝麓尚書舟泊蕪城過訪

巢湖千里共揚舲。日對江波倚翠屏。歸夢幾畱還筆驛。

班荆何意濯纓亭。孤帆暮雨迎潮急。斷岸秋楓落雁青。
盡是同舟看李郭。誰人得近少微星。

徐月鹿繕部奉使清江

八月星槎指鬱洲。風煙萬里接清秋。日搖滄海吞吳會。
天掛黃河壓楚州。作客淮南依桂樹。能詩水部戀江樓。
射陽咫尺低銀漢。擁節真疑博望遊。

楊修野曰寫景使事最確而神采煥然

贈呂錫馨祠部權揚州

新承丹詔五雲邊。風送旌麾繞禁煙。使者原稱金馬客。

扶荔堂詩集 卷八 三
祠官兼樞水衡錢。隋堤泛舸花爭發。胥浦觀濤賦獨傳。
聞道東巡應有頌。君將簪筆待朝天。

酬王都尉

乘槎遙問廣陵潮。銀漢疑通廿四橋。滇海直馳都尉馬。
花門早插侍中貂。鶴來緱嶺雲生斃。鳳度秦樓夜聽簫。
仲寶風流兼愛客。家聲何但數驃姚。

周元亮曰不襲烏鵲鳳凰等語而凝麗高華直掩唐人正是善學唐人處

送河防俞彙嘉少府

蒼葭夾岸送星旄。乘傳關河軍務勞。柳漾金隄魚浪靜。

霜飛瓠子雁行高。深知賈讓惟中策。早見王祥有佩刀。
愧我未裁江上賦。扁舟觀盡廣陵濤。

汪舟次曰柳漾一聯不遜于鱗春流無恙之句

和韻酬趙子淑歸自楚南見贈之作

嗟君遊楚倦風煙。袖裏懷沙弔屈篇。五嶺聞猿何處淚。
三湘歸雁幾人憐。樹分鉗鉗連天濶。席挂灘江帶雨還。
浪跡旗亭吾輩事。相看只在酒鑪邊。

同曹顧菴吳方漣卓火傳李涪源卞雲郭宗鶴問

集許師六園亭卽席限韻 二首

桃花村北問郊居。選勝名園客典舒。一水烟光分洛榭。滿城春色到樵漁。虹橋遠映聽花屋。烏几長攤種樹書。爲送韶華須盡醉。雷塘風雨未全疎。

其二

臨流亭閣柳如煙。萬木參差睥睨前。乘興共尋玄度酒。忘歸時住季鷹船。鳥啼蜀嶺偏能巧。花近隋宮倍可憐。歌吹繁華追舊事。竹西樓外月初圓。

第一峯曰風流。瞻逸寫得花月。邗溝竹西歌吹宛然在目。

介宋射陵徵君

徵君高臥射陂雲。淮海文章朝野聞。天上少微人共仰。山中宰相自超羣。非從隱節知中尉。何但書名抗右軍。採杞刈葵兼釣弋。肯將泉石易玄纁。

送吳菌次駕部出守吳興

仙郎西苑賦才雄。爲厭承明出守同。詩似河東還典郡。名高吳札採歌風。山樓樹木晴嵐外。澤國桑麻返照中。舊日水嬉饒勝事。期君早躍五花驄。

柴秩于曰太守風流何殊柳惲杜牧詩中寫得翻盡致。

送黃隱君遊黃山

春江曉渡綠楊天。蠟屐尋山帶石煙。是有鄭莊能好客。
非關元亮愛逃禪。雲邊古洞看泉出。花下清樽對月圓。
白嶽芙蓉三十二。此中丹訣爲君傳。

送杜子漣兵備之昇州

清秋城下節旄廻。幕府芙蓉曉正開。樹出六朝煙霧迴。
江分三楚雁鴻來。龍山重起登高晏。鳳闕今稀諫獵才。
應是征南元凱後。風流遙對鄂王臺。

贈南徐錢日菴太守

承明五載罷長楊。出擁郵車滿路光。劉尹威名原刺史。

江東天府是丹陽。樓前樹色分吳楚。城下笳吹別漢羌。
南粵近聞投壘去。煩君檢點陸生裝。

方敦四曰雅詞逸響
令人有鼓歌之樂

別王玉叔推府

嗟峨官閣傍城隈。城外風煙畫角催。北固山樓霄漢裏。
六朝宮樹翠微開。潮聲暮雨孤帆落。秋色長江萬里來。
我欲登高應有作。臨觴真愧仲宣才。

王西樵曰全作韶麗潮聲一
聯秀而能沉是少陵本色

秋江晚泊懷宇台稱黃諸舊友

夾岸危橋柳正長。幾年岐路各沾裳。孤帆雨急爭村泊。
八月潮生入舵涼。仰視雁鴻愁北渚。肯憐松菊過西堂。
浮煙絕目平原盡。明遠江城夢故鄉。

喜吳岱觀自秦中歸

塞上春風換敝裘。一官秦嶺獨淹留。飛書片檄誇袁虎。
美醞三升怒督郵。花馬池邊逢朔雪。曲龍城下按涼州。
與君俱老沙場客。羌笛愁聞古戍樓。

巖子問曰岱觀作令以詩酒
被劾其豪情逸態曲曲寫出

送施愚山還宛陵卽同來韻

樽酒臨岐意若何。扁舟惜別在江沱。雲開宛水看花度。
楓落昌亭送雁多。愧我牧羝歸海畔。有人裁薜向山阿。
移家欲傍周顛宅。明月磯頭且臥蓑。

王北山曰善爲凄
悵之音頗自清拔

弔姜貞毅如農

先朝諫議重流官。竄逐孤臣去住難。抗疏屢煩收北寺。
投荒何惜繫南冠。夢懸丹闕身無補。淚洒銅駝血未乾。
埋骨敬亭還主命。松楸白日照江寒。

過長洲吳瑤如郡守招飲漫賦

昨歲書傳海外還。今朝應爾暫開顏。竭來漫喜人無恙。
相見俱驚鬢各班。半榻論交吳季宅。一樽送客洞庭山。
心期最是看花約。莫問秋風早度關。

其二

悲歌燕市意何窮。汝向南行我向東。十九年歸蘇屬國。
二千石重漢吳公。他時苦憶淞江鱸。此夜愁聞塞北鴻。
休傍姑蘇問麋鹿。荒臺空鎖白楊風。

宋旣庭曰葑園浮沉關塞其胸中落落自
喜固有獨得一結悲涼要非強作達語

其三

載酒臨流興未孤。使君日日醉蘆菰。海邊牧豕吾將老。
堂上懸魚爾自殊。夢底生涯尋竹塢。心隨落月下葦湖。
黃公壚在人依舊。自笑歸來一酒徒。

其四

虎阜山前春水流。三年劇郡日言愁。催科屢被中臺疏。
奪俸長煩父老留。羨恰松溪多美醞。載將榭葉滿孤舟。
主人漫作思歸咏。我欲移家傍鷺洲。

錢官聲曰吳中遊宦皆應
心折此詩何僅壓倒韋白

同魯文遠少府舟泛兼寓瑤如

鳳池才子佐名都。雅共吳融出剖符。舊入黃扉門下省。
新加墨綬府中趨。行春南陌逢花渡。索俸東方儘客酤。
藉甚風流醉司馬。滿城絃管夕陽湖。

訪沈韓倬太史幽居

潘郎早歲愛閒居。拂袖歸來鬢未疎。應笑卑栖爲客難。
真能高枕是吾廬。堦前竹密啼春鳥。簾外花香檢道書。
賦就子虛稱絕唱。茂陵豈久病相如。

慕瑟玉曰閑雅穠秀不減
劉夢得歸越中舊隱之作

過顧司勳園亭

暫得歸來好自寬。蕭然庭徑頗能安。交情漸厭時名薄。
世路同悲直道難。峰勢疑從林屋出。溪流真作剡中看。
桃花夾岸漁舟在。不待劉郎問釣竿。

虎谿舟泛同孫樹百黃門羅振彝侍御

虎谿亭榭遶林丘。晴色波光客共遊。日落漸看餘綺散。
鶯啼爭送落花流。羅含綠筆題山閣。孫楚詩名戀酒樓。
遮莫吳宮歌舞地。春風駘蕩木蘭舟。

尤悔菴招同顧菴蘭次昭子旣庭天石水哉亭小

集賦得起句

三月正當三十日。共看春色盡園亭。全憑杖履身能健。
半是漁樵眼倍青。醉倚藥闌尋野竹。時陪鷗鳥立沙汀。
草堂此會渾閒事。浪說人間有聚星。

徐果亭曰。比自香山草綠。裙腰之作。風致固自媿媿。

風雨送春效晚唐體

煙靄池亭極望中。繁枝無力倚東風。誰家客夢楊花白。
何處春歸杜宇紅。寒食佳期偏在苒。江南山色在空濛。
天涯芳訊難憑寄。愁託鄉心到蕙叢。

其二

憐春何事苦難留。風雨今朝獨上樓。燕子銜將庭草去。
柳花吹落寺門流。驚傳戎馬關山遠。偷換年華客路愁。
說到鄉園倍憔悴。橫塘小岸且停舟。

梅耦長曰。柔情逸態。搖曳生姿。高出劉滄許渾一派。

題吳茵次獨往亭

孤亭圓寂傍斜曛。野蔓藤花檻外分。秋氣入簾聞雀噪。
松陰滿地落鷗羣。壯心不已惟看劍。酒債能償但賣文。
爲愛白雲常欲往。山中弘景得如君。

看奕軒

橋西深巷掩松關。小葺茅堂竹徑間。對酒漫驚雙鬢改。
披箋容得一身閒。憑闌坐愛仙人橘。揮麈頻敲處士綸。
賭墅不殊泉石興。可能長戀舊東山。

周雪客曰先生詩無體不備二
作似規模宋人尚踞歐王而上

過顧茂倫隱居

高士幽居白袷巾。暫時開徑滿松筠。蔣卿門巷難容馬。
龐叟妻孥不避人。家住五湖堪嘯傲。身餘一劍走風塵。
辟疆園裏論詩後。笠澤煙雲幾度新。

酬膠城汪柱東將赴楚南

花滿昌亭歲序流。正逢寒食憶同遊。歸從雙闕燕昭市。
欲問三湘楚客舟。夢澤天空多載酒。鶴江風煖莫披裘。
河橋楊柳青無數。好向春城獨倚樓。

寄荅王儀曹阮亭

仙郎初入紫宸朝。爭羨王哀賦洞簫。同舍看雲懷遠岫。
故人薦鶚尚清霄。滄江自合容高枕。聖代何妨有棄
瓢。堪憶竹西携手處。棠梨吹過赤欄橋。

董方南曰格整色藉不必
近仿右丞而聲采迥勝

別余澹心歸里

江邊誰放老垂綸。皂帽相逢涕淚頻。徑掃蓬蒿緣客到。堂施雞黍見情親。孤舟細數將歸日。六載投荒未死人。解道關山苦離別。但看蒼髯幾風塵。

趙尊客曰意到調合置錢吳興集中幾不復辨

過皂林

一片歸心急逝波。皂林帆帶夕陽過。天邊落木誰堪此。月夜聞歌喚奈何。殘驛飛鴻驚颯杳。秋江華髮易蹉跎。可知客散柴桑里。門巷應教長薜蘿。

沈方舟曰不堪牢落處正在箇中偏能以澹筆寫之

送汪舟次檢討奉使冊封琉球

王朝冊命大琉球。萬里乘槎天外遊。廷議群推能絕域。封藩班列上諸侯。波羅洞壑環流水。鳥羽衣冠萃沃州。不事招攜咸授璽。我皇端拱重懷柔。

其二

雕題虎拜肅陪臣。方物頻年獻異珍。白纒垂螺看舞女。紅衫負弩雜鮫人。一星纔漏麟洲水。萬國同瞻象服春。沆漭洪濤程七日。先圖王會達楓宸。

吳準庵日寫蠻方殊俗風物饒麗五六宏音異采光氣萬丈

其三

高華險畧截蠻方。黑霧鯨波匝混茫。大業窮兵煩羽騎。
兩朝遣侍入梯航。唐蒙多事通邛笮。博望何因款夜郎。
從此諸番知漢大。直看炎海接扶桑。

其四

孤懸鼉嶼海涯間。襟帶窮荒控百蠻。已奉春秋知正朔。
何年南北併中山。自天宸翰龍鱗動。繞日珠旃豹尾
班。底是皇華念將母。乘風歸路指刀環。
洪武初三王入貢今中山併一

其五

乘傳宣威漢大夫。戈船赤旆玉彫弧。鼇峰色動麒麟服。
龍節光含玳瑁珠。北斗天垂吞落溘。西風霞起過彭湖。
荒唐千古神仙事。咫尺蓬萊望有無。

其六

三山島樹鬱龍窠。褒寵蕃王禮數崇。千丈秋河通貝闕。
九重丹詔下珠宮。使臣持節金函重。酋長乘車木獸
雄。德意不勞難得貨。珊瑚空射海波紅。

沈昭子日長安贈送名作如林而恢鴻博瞻無出此
六首之右前後兩結尤得風詩諷諭之義

送汪芾斯提舉赴廣南

扶荔堂詩集 卷八
萬里蠻雲遶客舟。鷓鴣聲裏到番州。青樽送雨琵琶峽。錦纜行春荔子洲。筠醬自從獠洞出。瓊枝不向越裳求。由來百粵雄山海。極目城南漫倚樓。

贈天台葉脩卜以郴州牧終養

林泉十載愛蒹葭。出牧郴江鬢未華。去令陶潛非戀酒。娛親徐庶早還家。丹蒸橘井皆成露。詩就金庭自起霞。放鶴歸來琴一曲。著書兼學種園瓜。

林石來日體律務實工夫頗深似楊少尹寄江州司馬等作

扶荔堂詩選

仁和丁 澎葯園著

武平白普照大千

輯

河陽陳騰桂肇多

七言律 遊集

登岱

翠微宮殿俯危巒。嶺坂逶迤更幾盤。天近扶桑長不夜。月明瑤草易生寒。松鳴越觀留山鬼。鳥啄秦碑淨石壇。七十二君封禪地。回中風雨想和鑾。

施愚山曰清雄絕似李頎

其二

孤懸海嶽枕神洲。得共盧敖拄杖遊。天外數峰開漢時。
星邊九點辨齊州。清宵鶴搏浮雲落。古洞龍吟斷壑流。
人在碧城看夜色。芙蓉何處接層樓。

其三

飄渺神宮霄漢間。丹梯突兀迥難攀。蒼龍峪窈雲歸洞。
白鶴祠孤雪滿山。呼吸自能通帝座。風烟原不到人寰。
未逢刻石千年事。梁父吟成獨往還。

吳菌次曰結語作者寄寓良深

其四

千丈懸崖撼石閭。捫蘿疊磴倒衣裾。孤峰半落天疑盡。
絕頂平臨日乍舒。帝女珠宮喧象珮。仙官絳節駐鑾車。
白雲尚見封中起。笙鶴如聞度碧虛。

宋荔裳曰四詩崢嶸流宕足稱此題宗鶴問曰元美謂園林登眺景不勝詩大嶽名山詩難敵景斯言至矣今讀登岱諸作如巨靈開山生面盡出使弇州見之當如林公之嘆真長也

酬林果菴州牧有嶽遊之約

載酒相期百丈峰。城邊曉氣削芙蓉。古來太守推應劭。
天下名山數岱宗。玉簡虛無留漢碣。金光明滅尚秦松。

打劫堂詩集 卷九十四
千年禪草須君定。綵筆看成五色龍。

歷下訪嵇綺園少尹

脂車千里訪奚康。听雪衝裘向謫方。歷畔初栽庭柳密。
巖灘尚憶嶺梅長。官微似棘棲鸞鳳。客到如雲典驪驢。
吏隱不妨兼寄傲。濯纓湖是舊滄浪。

孫樹百曰
五六諧妙

歷山旅舍逢葉萊蕪眉初兼訊令弟訥菴太史

秋城野宿暫停車。旅舍相逢涕淚餘。我愧還家身似鶴。
君偏作令釜生魚。青楓細雨危橋斷。酸棗斜陽古岬疎。

爲問茂陵多病客。白頭吟罷近何如。

毛稚黃曰化鶴生魚使事恰
合青楓二語景色蒼鍊其工

飲項犀水憲副歷亭寓齋同何澄九觀察時際公

參軍 自註項曾分守淮蜀

仙客華陽天下聞。班荆同對峭山雲。碑亭舊識平淮頌。
父老猶傳諭蜀文。曲按燈前金縷換。樽開雪夜玉瓷分。
已知交盡英雄輩。不敢逢人說使君。

姬象方曰精選而出
得于鱗弇州絕佳處

水心亭立春贈時參軍

歷亭春酒暫邀歡。嶽色中宵倚劍看。豪客自矜鸚鵡舞。
叅軍不戀鷓鴣冠。交傾北海樽常滿。書報平原燭未殘。
何日鄉園梅共折。漫將華髮對辛盤。

遊趵突泉題呂仙夜光樓壁

仙人長住夜光樓。樓上仙人好夜遊。仙去但聞黃鶴唳。
樓高空見白蘋流。珠泉翠落松陰月。丹鼎烟生海樹秋。
我欲乘風招羽客。浴鳧眠鷺起沙洲。

王伊人曰雖本崔顥而寄
典迺深古今人各自擅場

贈徐子星憲副

鳴珂省閣自從容。麾節遙臨日觀峰。秦制督郵分筦鑰。
齊城傳檄壯輸供。書成諫獵懸西苑。禪草磨崖起岱宗。
早晚帝庭仍珥筆。趨朝長拂露華濃。

沈繹堂曰藻麗中自具
春容深于滄溟一籌

寄史昌言調宰安陵

安州斷岸擁旄過。霖雨隨車動黍禾。舊相平原推史弼。
傳經東海授田何。冥鴻大麓飛沙滿。殘驛秋風蔓草多。
再調除書煩出牧。徧令下里有絃歌。

瑯琊郡城送周元亮少叅赴昇州

分符仍屬大司農。擁節巡行係望濃。落日檐帷辭海嶽。清秋幕府傍芙蓉。關中輸輓須婁敬。洛下文章起蔡邕。莫道故人爭負弩。新亭原似舊臨邛。

黃仙裳曰使事渾雅遂饒韻度確似送櫟下公詩

望春樓故址

青州城北舊王宮。一望朱門蔓草叢。甃石長沉睥井碧。牆花偏發上陽紅。空梁燕啄梧桐雨。落日烏棲禾黍風。可惜卷衣人去盡。但留殘月照房櫳。

尤展成曰起得高渾中間蒼涼婉轉音調悠揚何減湘靈鼓瑟

其二

望春樓上晚風殘。文杏彫梁覆井榦。帝子看花過白燕。昭容垂袖在朱欄。湘簾娥影沉烟細。瑣閣蛛絲閉月寒。啼盡鷓鴣飛盡絮。何人還倚玉闌干。

王夙夜曰調高氣逸不勝俯仰之感

東萊郡守張受菴招同上聖游少府劉西山儀部

登東海祠望海和王大愚學使韻

嗟峨高閣海祠東。海嶽千秋祀事同。碧浪鼉鼉趨絳節。靈旗風雨下珠宮。鮫人雜島隨波出。弱水條支有路通。

咫尺蓬萊如可接。芙蓉遙漾暮雲中。

自註近海有芙蓉島

葉訥菴曰規模雄麗是工部不是義山

登光嶽樓和施愚山學使壁間韻

高閣飛甍接杳冥。倚欄人在翠微屏。天圍大陸煙光白。地敞中原嶽色青。百戰山河供極目。千秋雲樹抱空亭。登樓不敢輕裁賦。早有留題舊客星。

金長真曰琅琅如鼓吹臨風覺金篋白雲句無其深秀

飲任城南池酬朱梅麓河憲

賀監池南水盡流。詩人此地醉同遊。重開亭閣邀狂客。

未邈山河在酒樓。樹靜石欄綿細雨。浦清花底出輕鷗。芙蓉一帶秋江外。只少烟波解艫舟。

送梅處士還吳

處士還吳白棟鄉。竹溪烟水暮蒼蒼。禁方鴻寶千金秘。

歸路羊裘十月霜。獨向名山尋許邁。偏令女子識韓康。憐君官閣梅花夜。雪裏題詩淚數行。

處士寓陸吳州水部署有咏梅雪詩

劉子濬曰唐客專張籍亦有贈梅處士詩云講易自傳新註義題詩不着舊官名此作秀警可稱敵手周玉山口全以韻勝一結何其窈窕也

又

變姓吳門梅子真。詩瓢藥裹整隨身。衆中白眼非因慢。
肘後青囊未是貧。世態盡從芒屨閱。交情偏到布衣親。
故園共快予歸得。卧伴漁樵更幾人。

田紫綸曰如風潮鳴琴幽逸有致求之前代其君采昌穀匹子

戎考功載立以御史奉差巡視長蘆按部至東苑

有寄

聲名題柱動長安。繡斧巡行攬轡看。政府特高鹽鐵論。
天卿兼着惠文冠。燕山日擁花驄發。滄海霜飛白簡寒。
諫獵有書須疾上好。從雨雪望廻鑾。

雪夜渡巢湖

真疑銀漢泛槎來。貝闕瓊宮望水隈。孤嶼遠從天際落。
姥山明傍鏡中開。風驚碛岸冰初合。帆指星河景倒迴。
浪底魚龍時隱現。頓移蓬島出塵埃。

吳耕方曰沆瀣碾礪有黃河百折一瀉千里之勢

登慈雲閣

慈雲高閣迴禪關。極目長河飄渺間。濡塢到江天外樹。
浮槎隔岸霧中山。千峰雪積廻孤檻。雙澗冰流下急灘。
霸業消沉空逝水。惟從玄度得躋攀。

丙辰除夕客廬陽有懷李湘北學士

深濛一水阻江關。鼓楫探奇未肯還。隔歲尚淹廬子國。懷人偏對伯陽山。起居四部楓宸動。撰述三都草閣閒。客裏深卮莫辭醉。憶君元日奉朝班。

于桐江口清姿朗逸似

右丞洞門高閣諸什

其二

南天雁去渺脩途。目斷長安旅興孤。散騎胸中澆壘塊。君房足下恕狂奴。鑪烟講幄逢春早。雪夜辛盤任客酤。能到平泉凝眺久。可無書札慰潛夫。

其三

又向巢川問逝波。溪南連袂未蹉跎。寒宵話共孤燈永。明日愁添兩鬢多。邸舍移觴堪守歲。巢令呂似千載酒天街踏雪有鳴珂。沉吟強欲留殘夜。無奈城頭鼓角何。

徐浩軒日任意抒寫情境俱

出白侍郎劉隨州佳調也

喜逢吳鍊師見示還丹徑步奉酬此作

龍眠早歲愛升砂。肘後懸壺歷海涯。自比杜冲稱道士。能依巢谷是仙家。棲真欲結中茅宇。斲藥常蒸石洞霞。不羨九天笙鶴近。焚香終日對南華。

翁渭公日王子安玉笈三山
記金箱五嶽圖可移贈此詩

燕子磯阻風

崢嶸石壁闕江皋。萬壑風鳴挾怒潮。
出沒蛟龍窺絕巘。逶迤亭閣鎖層霄。
連天急浪吞三楚。繞樹浮雲換六朝。
日暮孤舟隨處泊。不知何地有漁樵。

泊楊子逢朱清田州倅偕赴白門兼感舊事

野渡逢君邗水東。乘流欲下阻西風。
舵樓醉倚丹楓外。城堞疑浮碧浪中。
葵浦幾回樽酒別。秋江何意布帆同。
秦淮夜月簫聲斷。冷落芙蓉故院紅。

嚴蓀友日味結語似
有杜樊川水嬉之感

贈京口侯總戎

珠旗繡袷玉鵬弓。鐵甕城高建節椎。
開府君房歸漢相。圍碁安石卻秦戎。
水犀勁弩橫江寨。伏兕樓船下瀨功。
坐看輕裘銷帶甲。海波萬里息烟烽。

贈何異子令暨陽

暨陽為政自風流。遶郭清溪傍鷺洲。
官閣詩名還水部。君山明月坐江樓。
津橋罟集鱗魚美。野店花香麴釀浮。
客向春城幾回醉。驛亭長繫戴顓舟。

寄下蔡令常蕭之

風吹岸柳接中都。遙望雙旌再剖符。淮水分流環北郭。歐陽終老戀西湖。山鄉雨足秔多少。野渡人稀稅有無。最念穎清亭外月。何曾采蕨醉樵夫。

紀孟起曰秔稻花侵雲霞色滿寫得豐穰五六蒼碩高遠各臻其妙

登龍光塔和王仲山先輩韻

岳虹一丈聳高臺。忽現浮屠積霧開。蜃氣疑從丹甃出。鮫人應捧珠來。燈懸嶂嶺搖滄海。影倒星河逼上台。漫比靈光今獨峙。登臨殊愧勒銘才。

蔡九霞日獨具初唐渾噩之氣

春夜吳令君伯成招飲署園限韻

荀令張筵香滿衣。疎梅官閣正花飛。辛盤生菜逢春細。丙夜鱸魚入饌肥。鄴苑才華人未邈。襄陽耆舊會仍稀。諸君漫作登樓賦。不比荊州得暫依。

王季友日辛盤丙夜屬對工穩通首饒有風度

偕歸元公余澹心方敦四諸君集顧修遠辟疆草

堂卽事

一棹梁溪問隱倫。草堂樽酒值佳辰。右軍碑序書仍在。

索靖文章跡尚新時玩瘞鶴銘碑出師頌真跡上客賦成應卜夜名

園釀熟正逢春貪看希世真無價誰道家徒四壁貧

齊繩武別駕運餉湖南歸

長江六月擁星旄萬里浮湘軍務勞轉餉不殊婁敬策

除官早佩呂虔刀帆飛湓浦炎風急猿嘯黃陵夜月高

聞道王師掃蠻服黔陽何用築城壕

沈瞿庵日似少陵夔州諸作聲采壯烈

介新都魏和公五十

隱君五十尚蹉跎拄杖名山鬢未皤兩世清搽衰鳳志

百年心事採芝歌班荆樹下交遊滿鼓楫江邊著述多

家有伯陽丹訣在崆峒烟霧穩漁簑

十六夜虎谿對月酌林使君

海湧峰高玉露清山堂桂發晚涼生筵開上客皆能賦

月過中秋却倍明千丈銀河搖夜閣萬家砧杵動江城

芳堤蘋蓼還依舊誰繼風流白傅情

其二

烟嵐擁對望逶迤對月披襟客共期碧影漸移看自皎

清輝尚滿出嫌遲倘逢楚雁書來候最憶梁園賦就時

漏轉參橫漫歸去金樽頻勸莫深辭

孫樹百曰語語是十六夜月
景色遙澹自覺清暉娛人

越州張靜淵別駕招集登子秋水園分韻得南字

園林斜枕百花潭。能到松筠性自耽。時倚藥闌多聽鳥。
漫將斗酒共携柑。山窗對月留佳客。野樹逢雲換夕嵐。
只有烟波漁父在。釣船吹笛過溪南。

于子先日劉賓客越川春晚最喜湖
草初生一聯五六輕婉更勝劉作

再用前韻

高柳池亭散玉珍。真如韋曲在城南。愛依淥水因為閣。

欲問桃花自有潭。入坐琴罇開別墅。過江人物尚清談。
慚予未補名園記。丘壑烟雲已盡探。

趙天羽曰疎秀中時出俊語
由胸無烟火故筆端有仙氣

孫沂水少府督修戰艦還郡

孫郎才藻擅江東。五馬分符越嶠中。不遣盧循歸海島。
應煩王濬造艤艫。花明蘭渚觴初泛。霞起天台賦獨工。
父老幾年歌飲水。卧龍高閣自清風。

送張靜淵佐郡之邕州

河橋柳岸節旄催。佐郡邕州借上才。槎浦炎風吹帶甲。

花洲明月待啣杯。天連徭洞崑崙合路入蠻江瘴癘開。
銅柱由來誇百粵。幾回吟眺越王臺。

彭雪厓舍人由夏丘令內召

幾載分符下邑殘。除書何幸到長安。金堤未築民愁集。
澤鴈長替戶稅難。邑苦河患歲恒饑西掖文章專草制。南邦牧
令盡彈冠鳳池。此日留才子。委珮摘毫春未闌。

昔夢懷白以上三作高華典麗開寶泰曆間有此弘音

送邗上張諧石之京

驛樹秋風散客襟。孤城吹角氣蕭森。天人策對須膠相。

災異疏陳起杜欽。立馬西征能作賦。看雲東武自高吟。
江鄉一路休回首。到處哀鴻集暮林。

送武源令強价人乞歸

烟林遶郭鳥相求。忽憶還山早乞休。五斗向誰長俯仰。
一官何事苦淹留。身閒家住空桑渡。夢穩溪臨白芷洲。
欲託歸心與征鴈。西風殘驛正逢秋。

江梅坡日絕似顧逋翁柳色依依一首而結意尤相渾合

同年蔣大參亮天督糧浙中

六傳乘春攬轡行。節麾新擁鳳皇城。漢庭轉餉惟劉敬。

北苑堂詩集 卷十四
岱嶽雄文似馬卿。旭日巡遊看露冕。晴湖曉色照霓旌。
司農正借籌邊畧。指顧能銷瀚海兵。

許浣月儀部奉使權南新迎太夫人就養

柳色春城颭畫旂。輿雲擁到庭闈。北堂晝永名花滿。

蓉閣筵開湛露晞。上巳重添新萸莢。太夫人生於閏長三月今歲重逢

庚徧照古班衣。聖恩南使歡無極。得覲鸞帔戀日暉。

許亦蒼日酌應之篇天狀巧
麗蘓頌孫述不得擅美唐初

吳北海武選奉使權北新

使君持節繡螯弧。乘傳嚴關漢大夫。霄漢久瞻雙闕日。

山川長按九邊圖。官橋夾岸帆檣集。滄海無波貢稅輸。
更羨吳均盛才。溱越遊憑眺賦名都。

送徐敬庵侍御內補之京

驛路秋高驄馬行。中朝共倚子旄迎。關山鴻雁天初濶。
省掖梧桐月正明。抗直徐宣加僕射。能文傅毅總臺卿。
遙知望闕情何限。不斷浮雲指薊城。

陳康侯曰三四秀朗清
脫遠追王孟近接徐何

送顧季蔚侍御辟召之京

弓旌擁路向長安。盡識西臺老諫官。令史獨高神爵頌。

殿中猶指觸邪冠。九重制誥兼非易。十載林泉起自難。
聖主最殷前席意。莫教頻念舊漁竿。

徐竹逸日格調蒼
渾崆峒雅鍊之作

送嚴處士之吳興

明發輕裝賦遠遊。江湖落日片帆收。烏程勝事多佳釀。
嚴瀨高名且敞裘。愛識竒文追石鼓。定因古篆仿之罍。
丹楓白蓼秋將老。幾處霜鴻起舵樓。

天竺山房訪偃亭大師

歛影空山老衲衣。鑪烟不斷磬聲微。雲邊洗鉢看龍伏。

松下談經控鶴歸。百道泉鳴通法界。千峯日落歎禪扉。
東林慧解誰叅定。欲傍無生問息機。

姜定庵日意態全仿李東川
瑩公禪房聞梵而幽迥自別

張典客麟圖奉使權南新

春卿啣命節旄開。柳色關河畫鷁催。賦筆長含滄海月。
江樓遠集豫章材。宋宮遺石芙蓉出。
署有宋大漢使浮
內芙蓉石
槎首蒨來國計於今須勝筭。爭看運甓自奇才。

送徐徵君電發辟召之京

此去朝辭林屋峰。布衣疏屨倍從容。眼中吾老非衰鳳。

足下人稱似卧龍。應詔趨由丞相府。封章辟自大司。農知君芸閣書成後。苦憶西堂舊植松。

侄燕公日筆高意別情致悠長三四創語驚人

送沈其杓歸膠城

沈子將歸白鶴村。滿裝詩卷過吳門。爭看衛玠眉如畫。且喜張儀舌尚存。半畝荒園飛苦棟。一帆秋雨度芳樽。此行更有平原約。莫戀當鑪犢鼻褌。

葉在園口颺蕭依約不減張緒當年

送嚴柱峰侍御之京

長安幾載望風裁。按節都亭驄馬來。中尉故應趨複道。裏行原是重南臺。殿前對仗天顏動。柱下揮毫鎖閣開。佇待伯宗成漢紀。懸知東觀有雄才。

介徐健庵官贊

平明金殿日揮毫。扈從鷄班近彩旄。海內文章推孝穆。東宮記註屬王褒。綸扉漏永移蓮炬。仙掌春濃醉碧桃。聖製親裁雲五色。珮聲長拂御牀高。

介徐夔庵幕府

吳市逢君霜葉催。手揮白羽渡江來。爭看城北徐公美。

尚憶雲中幕。府才慷慨射書歸。海畔倘伴招隱自山隈。
淮南作賦人難老。叢桂秋風照酒杯。

周鷹垂日起法高亮盤旋一氣如崑崙西傾黃河東註

九日和舍弟令宜韻

重陽過閏秋將老。況復登高客裏山。遊女採萸今日醉。
仙人控鶴幾時還。霜鳴隔嶺楓初赤。水落臨谿菊盡斑。
散步漫愁歸興倦。城西遙掛月如環。

簡邵景恒

交誼忘年共友昆。同居委巷過高軒。非關劉尹能知我。

何獨君房有是言。擅絕詩名誇俊逸。厭看世態少寒暄。
明朝風雨重陽近。好醉秋亭花下罇。

陸杜南日三四使事清出允稱創句

贈京兆羅參軍

極目頻登江上樓。參軍蠻府任優遊。紫髯長拂夫容幕。
白袷閒吟杜若洲。半醉官衙秦樹遠。十年宦跡海雲秋。
知君家傍希夷峽。聞道神仙屬華州。

張秦亭日寫髯參軍情貌俱出詩亦頗似劉滄

辛酉三月初度日自酌

種葯欄前花滿枝。花開且盡掌中卮。東臯刈秫非嫌少。
絡秀生兒未悔遲。玉曆人間還甲子。丹砂鼎內合雄雌。
醉看塵世滄桑外。欲把長虹結釣絲。

其二

鶉鳩晝啼草堂靜。墻外歷亂桃花飛。已築糟丘老閒事。
不須荔葉裁春衣。杖藜嬾性隨麋鹿。倚樹孤吟烹薜薇。
何爲蹉跎不稱意。更教酪酏蓬山歸。

陳纘先日調古情放咄咄逼人
要滿腹不合時宜故自能作達

歸雲庵

秋草疎林晚翠霑。茅堂窅寂未開簾。蘿深石磴牽衣帶。
徑窄松枝礙帽簷。暫許玄言訪支遁。可容白社醉陶潛。
掛瓢遺跡歸何處。屑瑟山谿宿莽淹。

沈鳳于日景在目前隨
筆寫出却幽澹有奇趣

掛瓢堂懷孫太初處士

晴光山色浣溪蘋。倚閣巖扉亂野榛。瓢笠自隨堪洗耳。
江湖肯放作閒身。欲偕蒙叟稱知己。亦有岑妻伴主人。
鶴去山空雲樹在。爲君灑酒一沾巾。

登翠微閣訪神山和上步方虎韻

方丈仙池種白蓉。參差塔影護高峯。香臺散雨諸天淨。
傑閣棲雲積翠重。入座翻經多飼鳥。臨流洗鉢有藏龍。
十年慧遠長愁別。惆悵廬山幾樹松。

沈存田日贈禪家詩不作拈
寂語弘音爽氣颯颯出塵

題張秋帆令君來青閣

爽閣憑虛望水隈。晴看簾捲萬峯迴。楓陰返照移書案。
花氣分香入酒杯。繞樹鳥從雲底出。凭欄人向翠微來。
使君多暇頻登眺。客醉琴樽次第開。

九月八日試院顧輿山郡守公宴卽席

晴雲匝樹書飛觴。高館張筵秋氣涼。折簡定邀山客到。
校書爭採野編長。滿城木葉霜初降。何處人家菊盡芳。
解道江州多載酒。可知明日是重陽。

九日再集顧且庵侍御僻園

池閣透迤一水隈。清秋令節暗相催。登高自昔逢晴少。
尋菊何妨冒雨來。鷓鴣遠翻沙底浴。芙蓉斜枕石欄開。
今朝應笑柴桑懶。潦倒東籬獨舉杯。

讀董蒼水浮湘度嶺詩卷賦贈

楚天遙蕩木蘭舟。又向炎方作漫遊。鸚武洲邊歸雁少。

琵琶峽裏夜猿愁。尉佗可治千金橐。買誼空懷一賦投。
相對榜亭共樽酒。秋江還憶幾登樓。

喬石林日格調古雋似本李頎
岑參諸作大雅不墜猶見元音

介林鹿庵六十

蹉跎自笑鬢蒼然。日日攤書任醉眠。狂到次公何必酒。
文因敬禮不論錢。為先君
作佳傳螺樽清映紅渠月。河鼓秋明
白雁天。從此鹿門無箇事。與君同樂太平年。

邵子湘日玉達忱爽
豪逸寫得炯炯逼人

扶荔堂詩選

仁和丁 澎葯園著

汝南胡喬年蒼虬

魏郡李 整昭儉 輯

五言排律

謁禹陵

越嶠霄宮迥。垂旒儼帝容。靈旗迴列宿。輦路入諸峯。鳥
篆秦時碣。虬盤漢代松。江流環几案。嶂削遶芙蓉。赤豹
司天闕。馮夷撼曉鐘。滄山歸絳節。宛委盛金樅。鼎鑄香
鑪象。鞞懸瀑布淙。隨刊通絕磴。胼胝倍春農。日晃玄圭

合潮來蒼使逢。星辰長拱極。江海盡朝宗。寶籙神狐授。
琅函玉檢封。山經圖魍魎。紺殿走蛟龍。晻靄明堂闕。嗟
峨紫氣重。棟雲連霧捲。臺雨漲花濃。壠集耘田鳥。庭陳
禱旱龍。君臣咸執玉。父老尙扶筇。歷代豐碑古。千秋祀
典恭。衣冠危石護。竹箭要荒供。地軸安疏鑿。天心紀鼎
鑪。誕敷明德遠。舞朴仰神蹤。

姜定庵曰。句句確是禹陵。移他處不得。
杜茶村曰。典雅雄拔。崆峒諸長律。亦當遜其蒼健。

上樞部龔芝麓尙書

北斗天垂象。西臺屬望崇。金庭鍾間氣。龍嶠仰維崧。曳

履星辰近。題輿岱嶽空。青雲奔海內。朱屣盡江東。玳瑁
書囊映芙蓉。卧閣紅徵歌。珠錯落。染翰玉玲瓏。品藻無
凡士。文章有國工。序都傳左思。賦海識張融。共仰千尋
壁。誰攀百尺桐。安危憑勝算。開濟仗和衷。幃幄資羈豹。
升華羨軾熊。中朝相司馬。政府仰萊公。羆虎殊方靖。貂
蟬異數隆。駉駉應作頌。蹇蹇匪爲躬。賭墅鄉非異。封畱
願亦同。劄從樞密院。顏動玉熙宮。帶礪山河績。旂常冊
府功。萬方偕燕喜。三賦荅彤弓。

冒辟疆曰。切中合肥文章事業詞。非溢美。
鄧孝威曰。樞密玉熙萊公司馬。皆唐以後事。而用來

倍覺古雋是知
濟南之說爲拘

西苑入直呈胡少宰子衮先生

上苑司彤管。中臺倚重臣。趨朝常聽履。入直儼垂紳。北
斗開天象。東封紀帝巡。文章原吏部。出納近樞宸。洗
馬庭多暇。題輿意轉新。揮毫珠錯落。掄俊玉嶙峋。秘省
圖書重。天顏密勿親。譚經高碣石。開閣小平津。日射
銅池曉。花迎紫禁春。作箴懷傅奕。著畧續崔駰。捧日鵷
班並。含香雉尾馴。殿中多啟沃。池上存絲綸。紫氣瞻雙
闕。蒼生寄一身。長陪宣室席。每望匡時車。塵殊踴懸靈壽。

逢時異渭濱。聖朝看喜起。歌頌答臣鄰。

孫孝則日以燕許之弘麗兼岑李之娟秀故益清俊
特出

壽劉大司寇瀛洲

珥筆彤庭久。颺言列上卿。爽鳩原著氏。文鹿早垂名。生
甫宜爲袞。惟伊用作衡。香含丹闕近。朝散玉珂鳴。列宿
環天府。屏藩鞏帝京。諸曹欽嶽望。三省佐亭平。獻納
回宸聽。艱難戀主情。王祥關社稷。庾亮表澄清。啟事
青綸動。匡時白髮生。嵩高業桂長。少室五芝榮。屢賜金
魚袋。初調玉鳳笙。向南瞻紫氣。獨傍掖垣明。

莫魯巖曰。簡老瞻密祝詞。若此高潔。豈酬應家可比。
林鹿庵曰。司寇中原偉望。比部時爲分司。道同志合。
故詩中疊疊不置。

張登子招同李仲木。蔣大鴻。錢武子。子璧。張洮侯。
書乘徐彥和丹六於南華山館。泛舟禊飲時上。

已後十日

秋水各圍舊。招尋曲渚春。他鄉逢上巳。勝地及佳辰。柳
色方迎口。蘭期已過旬。石橋通紫邏。烏榜漾青蘋。二水
如分鏡。千巖作比隣。峯危生鶴眼。樹老出龍鱗。客似來
天外。吾其問水濱。竹邊堪繫艇。石上可垂綯。泛犖驚魚

泳。攤書聽鳥馴。香分右軍酒。鱠合季鷹尊。栗里非因晉。
桃源不爲秦。歸雲怡鷓雀。斜日冷松筠。高髻看游女。低
蓬卧醉人。弟兄無少長。杯勺任逡巡。興向花前盡。交從
物外親。鸕。鴛。傳。逸。態。漁。笛。老。閒。身。屢。倒。平。頭。甕。常。欵。折。
角。巾。詩。因。脩。禊。好。人。比。永和。新。樓。北。環。城。堞。溪。南。遠。市。
塵。誰。爲。蠡。湖。長。世。號。鹿。裘。民。令。節。頒。春。讌。名。山。託。隱。淪。
樹。幽。懷。庾。信。宅。古。勝。王。珣。不。羨。商。山。老。長。爲。洛。社。賓。能
將。蒙。叟。意。陶。咏。適。天。真。

毛大可。口蘭亭勝跡如續舊。遊雅麗新清更足引人
逸興。

甲岳鄂王墓祠 十八韻

南渡勤王日。中興待枕戈。捐軀存社稷。戰血蕩山河。地
 敞中原盡。星搖大角多。氣能吞漠北。盟耻劫曹柯。父老
 驚揮淚。權奸勅請和。軍聲山岳撼。電閃纛旄過。痛哭班
 師地。摧肝飲馬坡。非辜裁白起。敢勇忌廉頗。雪耻心尤
 烈。精忠誓不磨。燕雲空唾手。瀚海更揚波。冶鐵囚擣杵。
 肖檜尚像。吹沙走鶴鵝。未酬還二帝。遺憾掃羣魔。皎日
 虹長貫。蒼天壁欲呵。頓令臣死矣。其奈國雙何。碑碣松
 形古。衣冠廟貌峩。陰厓厯木魅。江岸吼靈鼉。一代興亡

恨千秋。忼慨歌荒祠。高塚在禾黍。沒銅駝。

彭爰琴曰寫得忠武鬚眉欲動英氣凜凜逼人
 弟弋雲曰結句凄然山河欲泣

金長真郡守重建歐陽公平山堂賦贈 四十八韻

宋代平山舊遺蹤。尚古丘閔堂初卜。築喬木任優游。太
 守揮毫暇。山翁載酒遊。蒼烟平楚盡。落日大江流。宦跡
 多淮海。文章逼斗牛。崗廻通蜀脉。山亘接吳頭。得意栽
 叢桂。忘機狎海鷗。窓分曲池雨。門對望湖秋。官舍青爲

幕。農家綠滿疇。疎籬低舞鶴。古栢偃蒼蚪。花下岐公讌。
 亭前魏國騶。瑞能呈芍藥。春欲到筵篚。勝友時脩契。羣

逐段轉換詩中法有章法

寮每唱酬壁盈楊柳句。簾度竹西謳。興廢千年換。荒頽
片址。蹂沙門。耘燕麥。獵騎縱。魏果梵宇。聯殘壘。官橋注
隘。湫傾垣。藏促織。斷礎出扶藁。鳥寂常窺案。魚閒不避
鈎。醒心成宿莽。豐樂半荒楸。二亭名歐公建于滁州慨自前賢跡
翻生吊古愁。何期淪數代。今始覲重脩。領郡同爲守。論
才實並歐。名高情自合。興至樂相求。選地鄰珠澤。徵材
集爽鳩。朱甍金錯落。畫棟玉雕鏤。桃出玄都艷。蘭滋瓜
圃柔。千尋營楠古。六一探泉幽。紫館明霞映。叢霄玉案
投。巍然此堂構。宛若一箕裘。元祐風斯變。廬陵澤未休。

烟蘿增別墅。花月古邗溝。短賦煩明遠。佳銘待李尤。有
無山色香。清淺水光浮。岸柳迎仙佩。沙禽認使旂。翠微
侵爽閣。返照入江樓。仰止瞻星漢。儀型薦芷羞。琴樽銷
永晝。風雨夢滄洲。野濶鴻初落。廊空鹿自呦。訟希隨吏
散。政簡喜農穰。胥浦來枚叔。羅池記柳侯。樽因詞客滿。
詩以醉翁留。蓉閣空中出。蕪城望裏收。野棠垂屋幕。蠻
鳥喚鞦韆。王粲依南郡。淵明愛督郵。亭心邀舊月。墻角
長新蕩。白袷逢游侶。青楓繫客舟。風流慕賢守。今古說
揚州。

周雪客曰感慨
悲涼俯仰都盡

嚴少司農顯亭六袞和白侍郎代簡寄元微之百

韻詩

章皇臨御日。同第祝鳩司。並轡瞻天闕。齊名受主知。

叙同籍

螭頭常獨捧。驥足詎能羈。特羨弘文秘。寧嫌執戟卑。上

林多諷諫。大寶獻箴規。聖德慙匡弼。良朋愛切偲。春秋

膠相著。月旦汝南持。侍女添香襪。諸生隔絳帷。陪遊戲

狐苑。投獵鬪鷄陂。酬唱惟同調。朝參不誤期。開樽嘗索

俸。出署每畱詩。博涉千門賦。精探一字師。伊周臣自勉。

元季弟難為柱老西山笏彈空別墅基豹姿宜在霧鴻

叙遊讌

起漸于達銅鶴魏丹陛太和殿墀有雙銅鶴金魚漾綠池傳友晏集多聚

池金魚行吟時載酒休沐數搜奇詞妙題黃絹官方勵素

絲古秋垂院草信羨出墻枝古秋信羨顯亭僻巷高軒

天然風濤

過幽居小徑迤曝書誇北阮買艇載西施燕市吹簫侶

邯鄲挾瑟姬壺觴爭春戀車馬逐遊嬉欲屈武安膝誰

叙友朋

描京兆眉商歌壺盡缺革孔帶頻移大雅宣城倡新聲

汴水遺指愚山開襟舒一笑岸幘倒于巵北宋濡毫健

錦帆

南丁北宋京蘇裳短長皆合格出入必聯

髯張覓句遲譙明

騎勝事千秋在詩名七子垂。星槎各遠泛雲路有分岐。
叙受譴

秦岱名逾重龍門謗亦隨。春官三疏上廷尉片符推馬。
靖安

援非求貨相如可。賃資澠淄良莫辨。柳播詎相宜。
予諱

顯亭時更惜投荒日。猶當少壯時。鷓鴣愁裏賦魑魅隙。
叙出塞

中窺典客優。蘇武予初為從軍抗令夜行當求革。裊安。

復用毛錐心逐瞻。烏府名埋牧豕坻。何期青海畔忽下。

白麻詞家竭千金。產園荒半畝基。初鶯丹闕動老馬玉。

關疲再見長安日。相看酒市旗乍逢。歡過望序別話無。
叙入關

衰音乳酪當樽換。羊裘帶雪披加餐。勤問訊將作莫羈。

縻携手河梁唱。驚心歲月馳予應。返盤谷君自靖丹墀。

直諫須陳劾。離騷託景差。語高天閣奏人羨。夕郎姿彩。

筆呈三賦黃鍾協五蕤。鳳毛朝自炫。
長公柱峯初入翰苑 鷄唱曉。

頻呼世許英雄輩。名傾大小兒。致身思激濁為國敢謀。
叙政事

私立仗羞儕馬。彎弓決射狸屢蒙。明主宥不受佞臣。

欺痛哭疏偏上。和衷政有毘。天威真儼若。帝鑒實臨。

茲數馬何難對。披鱗勿憚危。
先以問卿被詰 鄉思吳會遠。世路。

蜀山巖易致沙蟲射。須防市虎疑。喬松迎日傲木槿望。

秋萎御史崇臺諫。司農領度支。敖倉祛積病。漕舶免吹。

疵時以御史大夫秦隴搖關樹。衡湘斷沚蘿。幕中楊僕

起城下魯連辭。驍騎戍邊吏。樓船截島夸。頻煩青兕甲

未遣碧鷄祠。橫海將軍柱。平淮丞相碑。澄清祈旦夕。淪

隱尚江湄。烽靖通傳檄。兵消罷守陴。音書愁間阻。雨雪

望漫瀾。天外搏風鷲。沙邊泛水鷄。應長依北闕。且莫念

東籬。畦秫秋能熟。樵蕪晚未炊。脩途憐馬齒。駭浪鼓蛟

鬚。幾踐探梅約。偏殷採葛思。宸衷衷懷袞。補凱奏擬鏡。吹

共羨張蒼美。何憂衛玠羸。天臺司管轄。仙掌沃醇醪。僕

射新開府。文昌舊省儀。自容收藥籠。寧誚拔園葵。書到

連長牘。衣恆改敝緇。賞音移玉雁。取醉解金龜。釣弋心

尤戀烟霞痼。莫醫優哉聊。復爾逝者已。如斯洞口峰。千

尺溪灣水。一涯山童吹短笛。遊女躡文綦。舊日爭攜榼。

何年訂採芝。咏詩欣在澗。筮易得重離。甲子週方始。庚

申守勿虧。還丹知不邈。抱樸信能追。與物胸無忤。匡時

髮未衰。耆英咸聚里。洛社更招誰。桂殿同棲託。蓬山若

等夷。大名垂史冊。至道保期頤。欲遂懸車志。寧為伏櫪

悲。千言寄永好。十載慰調饑。為我貽康樂。羊求共和之

顧且菴曰長篇累累若貫珠而敘次磊落格法變宕可作司徒一小傳三復此詩令我益深山陽之感

秋日村居

我愛村居僻。樓山與未厭。澹烟迷竹。逕初日覆茅簷。扶
杖綠苔滑。尋橋惜莽淹。溪湍搖樹杪。雲起出峰尖。村舍
菱菰熟。農家笑語恬。種蔬常望雨。執圃且腰鎌。菓墮鷓
爭拾籬。開鹿過。况深林。驚犬吠。稔歲叶雞占。牆短垂書
帶。楓高颭酒帘。身閒長懶慢。客到少恭謙。睡穩聞鷓足
詩成。悵落髯。嘲人隨季野。知我問劉惔。瑟調蟲聲和。盤
餐蕨味兼。渚清看鳥浴。花落賺魚噏。最得滄洲趣。渾忘
旅鬢添。放愁城市遠。茗芋醉何嫌。

扶荔堂詩集選

仁和丁 澎葯園著

箕城王雲明聖能

輯

宋州吉 祥辰生

五言絕句

待漏東省口號與張黃門

曙色天街靜。參橫掛鳳城。歲星何處是。長傍紫薇明。

禁中秋夜

鐘聲初度月。疎影落琅玕。不辨清秋色。瓊樓曉更寒。

梁蒼巖日整秀
入格比美王岑

值雪

騎○馬○踏○雪○還○門○前○問○行○客○知○無○訪○戴○人○徑○深○已○盈○尺○

陳隱倩日簡質如話而意味無窮從唐人松下問童子等作得來

寄答錦雯

昨○日○得○君○書○怪○來○成○久○別○不○言○別○來○久○但○言○髻○上○雪○

弔侯朝宗

昔○遊○大○梁○都○駐○馬○夷○門○下○長○揖○問○侯○生○誰○爲○抱○關○者○

題畫與宋玉書

青○溪○淨○如○拭○幽○徑○人○跡○少○惟○有○溪○上○雲○閒○來○伴○垂○釣○

清暉閣夜同黃考功作

波○光○入○空○翠○照○我○池○上○樓○無○心○弄○明○月○臥○對○百○泉○流○

王蓼航日太白音調諷之神爽

蘇門山

空○林○有○高○士○丘○壑○見○餘○清○日○暮○松○風○起○猶○聞○長○嘯○聲○

同王蓼航采菊

此○地○同○君○醉○尋○山○興○自○賒○不○知○逢○九○日○閒○殺○故○園○花○

渡洹水

落○日○邯○鄲○道○秋○風○古○岬○西○堪○憐○河○上○柳○沙○撲○馬○頻○嘶○

汪朝采日岑嘉州汾
橋柳樹同一寄慨

村居

野色望無際。白雲間不掃。欲窮花逕深。去問溪南老。

二

中夜殊未眠。隔溪聞蕩槳。深林山鼠啼。月到空潭上。

三

家家飼蠶子。綠滿柔桑渡。但見蝴蝶飛。不見樵歸路。

四

不識斜塘路。鄰村酌酒回。野雲隨處有。棟花開未開。

五

夕霽涼風發。灘清鷺鷥立。老樹出谿灣。上有漁人笠。

六

客至脫帽坐。索酒兼栗棗。月出可攤書。繩牀為君掃。

七

向夕鳥不喧。微風動山閣。愛聽松下聲。滿地松花落。

八

空濛山色裏。雨足秔苗喜。寄與老農知。明朝得晏起。

九

晞髮躡危岑。行藥日已晚。坐待林鳥希。獨酌南山見。

十
苦吟不成醉。拄杖緣溪行。野眺欲歸去。空山聞磬聲。

張秦亭曰彷彿右丞輞川諸作
中間散澹處頗有陶翁風味

古意

庭中撲蝴蝶。花深無覓處。驚起復還來。飛上櫻桃樹。

又

玉腕露春紗。粧樓日未斜。嫌他難插髻。不採繡毬花。

沈其初曰冶情
艷態芳氣襲人

峨眉題畫八首

峨眉千年雪。流照玻璃江。巉巖蔽奇色。不見漁人艤。

棧道

蜀道鬱嵯峨。棧閣亘天起。多是秦時雲。直繞華陽水。

武夷

高峯三十六。坐拱武夷君。曲磴緣藤上。俯身攀白雲。

赤壁

赤嶼橫江秀。非關一炬時。月明閒放艇。清絕少人知。

三峽

瞿唐出峽口。輕舸疾如弩。一路猿嘯聲。吹度巫山樹。

泐峯

九峯列如黛。長泐多白鵬。幾村葭菼外。指道陸梳山。

石梁

金庭跨石梁。絕澗俯千丈。洞口桃花飛。流出深潭上。

燕子磯

王氣金陵湧。山根鎖石磯。六朝存老樹。木葉大江飛。

宋思亭日入首意寓景先神超境
外蒼渾窈峭真摩詰詩中畫地
慕見曉日一望
蒼然皆成空碧

六言絕句

山居遣興

柳岸煙藏鷓鴣。茅簷日冷松筠。此處不嫌老子。杯中且覓賢人。

其二

足了一生惟酒。無求終日看雲。能將篔簹門。自扁何用移北山文。

伏蒼柱日六言絕助自叔夜而摩詰田園樂實
暢宗風諸作古俊蒼特足駕晉唐而上之矣

過海昌贈許西山令君

扶荔堂詩集 卷十一 六言詩
海雲遙映林泉。庭中琴鶴依然。醉倚長松讀易。許詢原是神仙。

為吳園次題照

一片秋光照眼。半間茅屋藏身。豈是樊籠中物。聊作羲皇上人。

其二

人道奚康是。懶世傳梅福。為僊隨意五湖烟水。不知何處安眠。

吳香為日傳神
正在阿睹中

扶荔堂詩集

仁和丁 澎葯園著

嵩陽張爾儲蘊生

武安李特生仙滋

輯

七言絕句

曉至南海子

安定門前霜月斜。御溝橋畔亂啼鴉。蒼茫不辨朝天路。遙望紅雲是帝家。

王阮亭曰。祠部七言絕。上溯太白。下亦不失杜牧。韓翃。良由調高。自爾氣渾。

青樓曲

建章春轉曙星稀。望裏紅塵作隊飛。粧鏡慵開香霧散。金爐沉火熨朝衣。

宋轅文曰采蔣音柔飄揚合度

得徐世臣遊梁書却寄

嵩嶽雲低樹色昏。蕭蕭征馬過平原。可知客向夷門道。欲覓侯生說舊恩。

趙韞退曰感慨情深惟滄溟得其婉便

其二

孝王池館柳新舒。草遍叢臺入望疎。兄弟他鄉頻作客。

南州還得幾行書

沈韓俾席上送曹持原之令西寧

孤舟一片楚江雲。兩岸猿聲徹夜聞。望到龍鄉何處是。枕椰庭畔最思君。

吳六益曰調可過雲直逼龍標之勝

過半野園與程箕山寅長

秋到蓬門盡日扃。石牀低覆野雲青。卮杯獨向斜陽外。一片西山對草亭。

其二

半畝荒園帶雨耨。短墻風過倍扶疎。青溪道士時相訪。
几上長攤種樹書。

其三

不見程生已數旬。新成小築畏迎人。松陰滿地耽高枕。
怪爾巢由是後身。

王大愚曰意能新出正勝劉賓客過鄭山人作

其四

空井雙桐烏雀喧。閒來蒔藥斷柴門。微君獨抱棲山興。
那得長安有灌園。

薛行屋曰善於托諷

送王邁人少叅由始安遷懷州

三巴倒壓楚江流。玉壘長空天外浮。更有孤舟南徙客。
聽君夜半話潯州。

董閩石曰起手直追太白結語悲涼黯然動魄

其二

楚天西盡穆陵關。白帝孤城霄漢間。兩地相看萬餘里。
故鄉今隔幾重山。

朱錫鬯曰意在境中不堪牢落

答寄朱近修

緣溪十畝種胡麻。歸到南湖便作家。日暮惟聞漁唱遠。酒闌獨對紫藤花。

陸冰修曰描寫入情得中唐深致

聽舊宮人彈箏

銀甲斜拋雁柱飛。玉熙宮裏尚依稀。不須彈到回波曲。說着先皇淚滿衣。

趙錦帆曰真樸處益見愴惋

呂翁祠

樹聳仙壇接翠微。白雲祠下望依依。向翁乞取還鄉夢。直欲凌空化鶴飛。

徐松之曰仙骨冷然

望天壽山

露白荒園石馬傾。殘碑零亂蘚苔生。狐狸盡抱昭陵樹。風雨黃昏作嘯聲。

杜茶村曰唐人宿昭應詩淒楚欲絕此以聳突見奇

其二

高峯突兀散流霞。天外鐘聲一徑斜。認道前朝功德寺。

老僧還著舊袈裟。

汪茗文日
寓旨警別

聞笛

春城吹笛望江樓。春色年年未解愁。入破一聲花盡落。不知誰按小涼州。

李丹壑日李君虞春夜聞笛楚雁
北飛正與江樓花落同一蒼涼

柯岸初席上聞歌

促拍伊州第一聲。玉關人去倍含情。當筵此曲猶堪淚。况過盧龍積外行。

毛馳黃日意隨調出
真得龍標宛折處

從軍行 三首

萬里龍沙一雁飛。數聲殘角度金微。分明吹落城頭日。多少寒光透鐵衣。

其二

愁雲漠漠雁歸聲。欲到鄉關夢裏行。塞水盡流天更遠。秦王何意築長城。

其三

草沒孤城馬渡難。誰教身許破樓蘭。長征已慣沙場苦。

獨恐深闈夜月寒

陳其年曰愛深情摯較唐人諸作更刻入一層

塞上曲 六首

榆關日落慘秋風。駝背油幢馬掛弓。傳道單于城外獵。胡笳一夜滿雲中。

周宿來曰遣調高穩與賈至萬里平沙一首同意

其二

紫塞黃沙撲面飛。紅粧小隊窄裘衣。月明毳帳彈箏坐。共待戎王夜打圍。

尤悔菴曰景色生動欲舞

其三

蠓螭邊外雪紛紛。白草連天接塞雲。伐鼓迎神羣賽飲。至今惟說李將軍。

其四

焉支北枕黑山高。乳駝酥醉濁醪。自是涼州新破後。好將貂錦換葡萄。

其五

居延雪盡草初肥。放兔呼鷹教打圍。奪得健兒雕羽箭。

翻身騎馬疾如飛。

其六

百戰洮河西備羌。合黎山外月如霜。白頭老將沙場臥。尚說彎弓從武皇。

孫赤匪曰悲壯之音如聞擊筑

送趙敘卿省親歸吳中

玉關歸去倍情親。乍見俱驚夢裏人。惟有牽衣數行淚。隨風散作馬蹄塵。

為櫟園題莊澹菴畫卷 四首

迴峯突兀水潺湲。倚杖看雲意自閒。許底不知何處似。洞庭秋雨鹿門山。

宗梅岑曰結語秀聳

其二

嶺岫七十二芙蓉。九折飛泉萬丈松。夢去匡廬渾不遠。臥遊長在最高峯。

其三

梧桐遙映白蘋洲。影入谿橋水亂流。啼鳥數聲山葉下。因風吹到讀書樓。

倪開公曰西江詩派中多
此逸調大似元人畫中詩

其四

煙澹秋林返照新。磯頭何處問垂綸。白雲滿地丹楓老。
落向空山不見人。

爲顧伊人題桃源圖

桃花源頭春水流。落花流水兩悠悠。不信南陽劉子驥。
津邊錯問幾漁舟。

余澹心曰神似太白然偶
關別境正不容他人問津

施愚山秋林讀易圖和原韻

宛水詩名海內傳。著書頭白手韋編。閒來獨坐疎林下。
落盡青楓不記年。

其二

聞道揚雄善解嘲。草玄亭樹傍東郊。知君自信行藏事。
可在風山第六爻。

橫江詞

襄陽大艫泊如堆。襄陽估客醉幾回。人人盡道風波惡。
更有孤檣打浪來。

其二

東風吹浪北風寒。船到江心欲住難。船頭小婦知風汛。說與篙師莫放灘。

毛大可曰供奉曾為此詞校之世路風波之感尤見警策

明妃怨

琵琶聲斷月光寒。舊著宮衣淚未乾。正妾此時容貌換。君王須展畫圖看。

錢武子曰莫道不如宮裏時與展畫圖看各有深情詞兼雅怨

其二

憶昔長門望玉鑿。秋風淅淅動齊紈。穹廬滿地皆霜雪。

不及西宮一夜寒。

其三

絕塞和親去不辭。漢宮無復鬪腰支。長秋翠輦何曾到。不信蛾眉信畫師。

王丹麓曰昭君光明後宮終不見幸千古同慨此詩令漢明帝見之亦當心折

送宋牧仲少府還江夏

永安城樹裹雲霄。城下江流拔暮潮。惟有夜猿啼不住。東風吹過綠楊橋。

與朱清田飲市樓



原件短缺

乘醉看山野。逕幽。霜華滿樹對江樓。落星岡下。胡姬酒。換却詩人紫綺裘。

為臨汀陳伯駒題畫

橫絕千峯江上村。幾灣流水抱柴門。蓬萊高閣知何處。雲裏青山是故園。

吳香為日結句悠然可思旅客天涯不堪俯仰

題徐徵君電發菊莊圖

迴峯日影抱虛堂。野徑秋花覆石牀。獨酌自吟修竹裏。東籬深閉滿園霜。

風起羅裙惱殺人

其五

衆中偏指箇儂誇。付道儂身未破瓜。解惜春光人無賴。侍兒擎著繡毬花。

其六

賣花聲裏喚錫簫。祭掃清明野寺遙。短簿祠前羣賽會。神燈閃過半塘橋。

其七

鶴澗南頭菖葉稀。竹林開遍紫薔薇。輕搖舴艋向花去。

欵乃一聲山鴈飛

其八

三絃舊數陸君賜近擅琵琶蘇四郎鼓罷十番行客散
滿山殘月照禪房

其九

簫鼓春風罨畫船生公石畔翠生煙遠看莫問如花色
惟有腰支劇可憐

其十

迴廊遶遍濕檀霞草綠裙腰曲徑斜豈是吳宮愛高髻

碧雲千朶襯桃花

其十一

凭欄目送兩情濃偏向人前屬意儂好似脚泥雙燕子
花邊又見柳邊逢

其十二

虎丘焙筴產山家綠玉如鈎未剖芽採得月團交四月

官人齊出試新茶

吳儂稱公府爲官人

尤悔菴曰虎谿風景宛然在目其委折摹情處幾令劉夢得楊鐵崖輩無處生活

題尤悔菴小影

花潭修竹淨無塵。長嘯歸來寄此身。畱得阮生雙白眼。朝朝池上看垂緡。

其二

三年遠塞棄官歸。爲愛吾廬早拂衣。不用買山錢十萬。水哉亭是舊漁磯。

董方南曰展成奇懷曠致寫得逸態橫生

題袁重其霜哺篇

娛親終日戀庭闈。發發春風動綵衣。最羨吳門袁孝子。慈鷗長遶北堂飛。

負母看花圖

燕子庭前花滿枝。袁生負母看花時。寸心難報春暉短。日日看花却恨遲。

顧羽先曰至性語令人欲廢蓼莪

和韻酬會侯武令舍弟素涵飲稚黃草堂見懷之作

滿目煙波去住難。西風八月渡巖灘。但知秉燭裁詩夜。江上秋高白露寒。

其二

豐樂河橋水暗流。草堂樽酒共清秋。遙憐病客無書著。叢桂花開獨倚樓。

陸梯霞曰交情款至不特吐詞高妙

范文清自洪洲歸

挂席長流酒未醒。夕猿啼處亂山青。無端東去鄱湖水。落盡秋楓孺子亭。

徐方虎曰情在境中飄然意遠

贈笠溪漁者

五湖爭長是漁家。繫艇柴門暮雨斜。莫問太康年底事。

一簑煙水臥蘆花

歸星厓曰張志和漁父詞紅簑青笠中恐未得此心事

鳳仙花

翠萼籠煙上鬢鴉。猩唇珠萼露檀牙。自從蕭史乘鸞去。散作秦樓五色花。

錦纏頭

十部梨園樂未休。鳳翹雲髻女班頭。昭陽第一新承賜。為賦燒嬌宋子侯。

夾竹桃

紫玉橫釵壓翠鬟。玳玳秋色罩紅顏。武陵人去。花源渡。袖惹瀟湘竹淚斑。

姜汝臯曰詠卉諸作
冶艷中自饒風骨

爲邵景桓題射獵圖卷子

白馬金鞍貂錦衣。平沙草淺疾如飛。他年早獻相如賦。好扈君王射獵歸。

周敷文曰中有
諷義期許不淺

其二

紫塞秋高苜蓿肥。千山落日照金微。回看小隊燕支女。

醉擁紅旂出打圍。

擲果圖

入市羊車嬌暮春。香風吹遍洛陽塵。便看圖畫爭相憶。况是曾親玉貌人。

題葉司訓洗馬圖小照

碧浪迴波弄落暉。障泥長卸玉湖磯。盤中多少琅玕色。苜蓿秋高馬自肥。

其二

小立紅妝貌似花。風流京兆足相誇。好牽玉勒揚鞭去。

楊柳章臺日未斜

其三

滿被清波日幾迴。五花雲錦爛成堆。知君特有孫陽盼。却笑昭王空築臺。

弟素涵曰司訓頗能作豪三作杼寫生色

冬暮懷沈其杓

小閣憑欄獨舉杯。晚煙疎樹對荒臺。知他醉臥陽昌肆。那得還從雪裏來。

吳歲星曰調笑語清致愈雅

